



後登樓望海全盛時四海同風一軌朝堂多獲美振舉無慮馳
恩豈爲臣秦已山東古要地燕趙猶屬北衝津梁
民登車入司寇亦有氏陣車不驅馳大田無耒耜邦家
收城市途行絕稀少空車但墻倚身行須結集一第四五
城聚如蜂蟻長戈耀白雪健馬突封豕豈惟橫山澤已敢
赫震怒咎吳良有以去年人食人不識第血婦至盜賊
豐大平賊于戈毋物未應爾意者斯人徒縱欲擾天紀鬼
奈更難視黃沙渺茫茫白骨積荒山哀哉耕食劫作孤鬼
奈何傳書昔暴慢云出納吝富閱敵解

太師誠意伯劉文成公集卷之十三

芝田令新陽後學萬

里續梓

裔孫標用宗燦編

五言古詩

種懷香

懷香體虛柔本自南土出毛茅散織葉旒旒怯朝日芳菲擬
衆卉辛美更無匹况能已疇癯兼理腸胃疾種之近庭階離
離看新茁驅童斬竹枝扶植待秋實常恐風雨惡摧折傷弱
質蒺藜生道傍延蔓何繼密安無荷鋤入夕雜且已出
意何如感時香約畢松柏多登斤山林皆蕭瑟

北上

卷之十三

嗚烏思一枝權杖志平墜營營勞生心易久靡寧止尹全初
鈍材嬾拙專無比才疎乏世用嗜癖惟書史雖非濟時具
識素餐恥既懷黎民憂妄意古人企寧知乖圖方舉足
趾塵埃百病侵貧窶萬感累艱難幸息肩遲莫竊所喜明時
登驥驟駑馬但垂耳自非冀北姿莫羨追風駛便欲解衣冠
躬耕向桑梓終懷葵藿戀不慕沮溺詭潛陽動原隰白日曛
蘭芷靖雞戒晨鳴客子駕行李縈紆越巘嶠滄蕩涉風水淹
畱具區北信宿滄江圯維時連年歉道路多流徙官司職撫
字黔首皆赤子陳紅太倉米豐年所儲備爲民備乏困朝廷
豈私此推餘補不足茲實王政始臣子宜奉承天威不違咫

思

北 上 如 賦 塵 事 終 畢 松 柏 多 存 片 山 林 夕 雜 且 已 出

離 香 新 茁 驅 重 斬 竹 枝 扶 植 待 秋 實 常 恐 風 疾 種 已 出

衆 卉 辛 美 更 無 匹 光 能 已 疴 癩 兼 理 腸 胃 疾 種 之 近 莫 惜 難

懷 香 體 柔 本 自 南 上 出 毛 芒 散 葉 旒 旆 旌 旗 快 朝 日 芳 菲 擬

種 香 體 柔 本 自 南 上 出 毛 芒 散 葉 旒 旆 旌 旗 快 朝 日 芳 菲 擬

五 言 古 詩

太 師 誠 意 伯 劉 文 成 公 集 卷 之 三 十 三

奈 何 傳 書 曹 暴 慢 蔑 至 理 位 云 出 納 各 當 閱 敵 賊 死 焉 草

莽 露 慘 惻 溝 瀆 委 聞 之 猶 鼻 酸 見 者 宜 額 泚 踰 淮 天 大 滄 妻

京 更 難 視 黃 沙 渺 茫 茫 白 骨 積 荒 蕪 哀 哉 耕 食 場 盡 作 狐 兔

壘 太 平 戢 干 戈 景 物 未 應 爾 意 者 斯 人 徒 縱 欲 擾 天 紀 鬼 神

赫 震 怒 咎 冥 良 有 以 去 年 人 食 人 不 識 弟 與 姊 至 今 盜 賊 輩

嘯 聚 如 蜂 蟻 長 戈 耀 白 雪 健 馬 突 封 豕 豈 惟 橫 山 澤 已 敢 剽

城 市 途 行 絕 稀 少 空 車 但 墻 倚 身 行 須 結 集 一 寐 四 五 起 收

民 豈 無 人 司 寇 亦 有 氏 陣 車 不 驅 馳 大 田 無 耒 耜 邦 家 祿 貧

恩 豈 爲 臣 奉 已 山 東 古 要 地 燕 趙 猶 唇 齒 况 茲 南 北 衝 津 梁

幾 遠 邇 屬 當 全 盛 時 四 海 同 一 軌 廟 堂 多 稷 契 振 舉 無 遺 弛

卷 之 十 一

云疥癬微不足成瘡瘡殆不起濫觴炎岡發星烜虞朝有
分北漢庭煩直指農夫植嘉穀所務誅根柢耕耘苟失時雨
露空沾灑威懷豈異任守令職非庠端能慎黜陟此輩何足
弭故鄉隔山川前途塞荆枳青徐氣蕭索河濟俱泥滓痛哭
賈生狂長歎漆室裏何當天門開清問逮下里

送普顏子壽赴廣西憲幕

離離荆衡南迤迤走蠻徼民風雜徭蠻地勢帶蒙詔迢迢商
周前風水絕織窳後王務廣土懷柔倚攻剽羈縻非本情疲
痾復誰療大明倂日月幽裔靡不照化育之所加欣榮及蓬
藿憲府繩百司選擇自廊廟偏方異習俗賦性實同調培養
白殊途激揚貴知要淒涼溪上灑鰓魚困罾釣高風吹霜鶴
縹緲集海嶠願言崇令業以繼商國召

過東昌有感

夜發高唐灣且及東昌郭喬樹拂疎星霜飛月將落仰觀天
宇清平見原野廓白楊號悲風蔓草杳漠漠但見荆棘叢白
骨翳寒籥聖道縣日月斯人非虺蜚教養旣迷方欲熾性乃
鑿展季骨已朽清風散藜藿絃歌滅遺音繭絲盡籠絡嗚嘯
颺羶憑蠡鳴草蟲躍遂令一變姿化爲跼與躑况聞太行東
水旱薦爲虐飢氓與暴客表裏相倚着賑卹付羣吏所務惟
刻削征討乏良謀乃反恣剽奪生令參苓劑翻成毒腸藥今

詩意何文身
年秋租登行止稍有託餘波尚披猖未敢開一噓但恐習俗
成何由返初昨藩宣有重寄胡不慎遠畧往者諒難追來者
猶可作歌詩附里謠大猷希聖莫

南陵崔氏思梅詩

昔來梅花下綵服輝清尊今來不見人淚滴梅樹根梅落風
不回淚落化爲石冥冥入幽泉一夜千萬尺

晨詣祥符寺

上馬雞始鳴入寺鐘未歇草際起微風林端淡斜月僧房甚
幽寂假寐待明發松徑斷無人經聲在深樾

送鄭希道行省掾滿之泉州錄事

鄭君鄉廟姿才識天下冠若華升朝霞可望不可翫胸中富
文史蔚蔚錦繡段公餘但好客高論幹雲漢蓮風散秋幕被
露收夕案吳雲翼行勒岡嶠入奇觀撫字後深仁剝繁讓明
斷嘉會復何時悠悠仰飛翰

奇題僕世本東溪漁唱亭

落日去層巒清溪澹輕浪嘔啞最柔櫓欸乃發孤唱初隨飄
風起復逐行雲颺月色照未闌灘聲雜逾壯恐有濯纓人一
聽一惆悵

發安仁驛

鷄鳴發山驛天黑路彌險烟樹出狼聲風枝落螢點江秋氣

轉炎燄濕雲難歛行立山雨來客愁紛冉冉

發龍遊

微颺獻輕涼客子中夜發秋原曠無際馬首掛高月草蟲自
官商葉露光可掇狹徑非我由周行直如髮揚鞭望南天晴
霞綯闕越

早行衢州道中

草際生曙色林端收曉烟露花泣啼臉風葉彈鳴絃農家喜
銜艾行歌向東阡大道無狹邪平原多稻田客行良不惡敢
曰從事賢

鉛山龍泉

茲山近南服勝迹冠朱方石骨入海眼地脉通混茫金精孕
清淑水德融嘉祥寒舍六月冰潤浹九里長鯨顛狎獵起虎
口喙呀張發寶旣窈窕流渠遂汪洋洞徹瑩玉鑑鏘鳴合宮
商靜合玄機妙動見大智藏養德君子類膏物農夫望野僧
向我言其功殊匪常飲之祛百邪能使俗慮忘澈曠入靈府
喉舌生清香爽漸動毛髮飄忽凌風翔何當揚湛冽盡洗貪
濁腸

初食檳榔

檳榔紅白交包以青扶畱驛吏勸我食可已瘴厲憂初驚刺
生頰漸若戟在喉紛紛花滿眼冬冬暈蒙頭將疑誤腊毒後

想致無由稍稍熱上面輕汗如珠流清涼徹肺腑粗穢無纖
雷信如殷王語瞑眩疾乃瘳三復增永歎書之遺朋儔

望武夷山作

飲馬九曲溪遙望武夷峰長林抱迴合丹崖造空濛浮暉澹
寒翠水木皆曼容薄遊限塵務促景尼奇蹤緬懷紫陽子千
載誰與同瓊佩邈烟霧石函闕遺封羈猿怒幽澗飛蘿冒芳
叢瑤琴空流泉桂枝徒秋風悵望佳期阻纏綿憂思重殷勤
尺素書願寄雲間鴻

發白沙至水口

夜發白沙驛亭午至水口中流鬱風霧密雨蔽原阜冥濛蛟
龍過隱鱗怒雷吼傾欹臥帆席馮翼或前後畏途生頃刻顛
倒亂足手倉皇投山館喜懼劇紛糾攝身整衣帶沾濕及肩
肘平生歷道路艱險頗曾受未能外形骸豈敢輕衰朽捐軀
匪成仁乖堂不宜徂總轡登前嶺烟雲尚昏黝經阻有妨虞
姬文亦奔走

早發建寧至興田驛

鷓鴣戒晨裝上馬見初日露滋葉尚俯霧重山未出客途得
畫景緩步非縱佚矧茲歲有秋高下俱穎粟牛羊散原野鷄
鶩滿田陌懷抱旣夷曠神情自清謐寒花蔓籬落候蟲響蒙
密霞標青楓林雪縱烏柏實幽覽雖云遽佳趣領已悉我行

詞意伯文集
固無期况乃塵事畢

題武夷圖

崇山奠朱維實維羣山圍葱龍薄光景隱顯變氣候百泉縈
虹蜺萬谷蒸饌餽深根入無底峻表切是宿憎峻削劍戟勢
窳錯錦繡騎雲擘高掌竇石室陰巽金雞鳴未晨玉女來自
逗琪樹縞玄宵瑤花落清晝美人遊不還霜月怨猿狖淒涼
駕壑槎蕪沒白玉樞蓬萊渺滄海弱水浩浸漚良辰不可掩
沉思令人瘦安得凌風翰飄飄逐飛鷲尋源挹孤清寒林掃
三秀逍遙觀物化俛仰空宇宙真詮倘可求吾將解吾綬

孔子克相送至鵝湖

憶昨過武夷欲往無與儔今茲逢故人遂得鵝湖遊輕雲翼
征蓋翔風當鳴騶古塔插蒼藹寺門啓平疇陟徑旣紆轡馮
軒亦穆流雲旗裊香霧金像明清秋昔賢論道處松柏深且
幽鴻飛渺滄海龍去空靈湫懷人已寂寞對景空淹畱典闡
成遠別馬首山悠悠

自衢州至蘭溪

秋郊歛微雨霽色澄人心振策率廣路逍遙散煩襟疎烟帶
平原薄雲去高岑湛湛水凝碧離離稻垂金莠麥霜始秀玄
蟬寒更吟幽懷耿虛寂好景出相尋心契清川流日翫嘉樹
林歌傳滄浪調曲繼白雪音仙山在咫尺早晚期登臨

九日舟行至桐廬

杪秋天氣佳九日更可喜衆人競登山而我獨泛水江明野
色來風淡波鱗起蒼翠觀遠峰沈寥度清泚沙禽泛悠颺岸
竹搖蘿靡泝湍懷謝公臨瀨思嚴子紫萸空俗佩黃菊漫妖
蕊落帽非我達虛壘非我恥扣舷月娟娟濯足石齒齒澄心
以逍遙坻流任行止

從軍詩五首送高則誠南征

少小慕曾閔窮閭元幽棲丘園責嘉命通籍廁金閨握筆事
空言塊焉愧梁鶴不如屬橐鞬結束習鼓鼙廟筭出帷幄白
日收虹蜺劍光帖滄溟旗尾懸鯨鯢振旅還大藩歌舞安旄
倪拂衣不受賞長揖歸蒿藜

江鄉積陰氣二月春風寒壯士縵胡纓伐鼓開洪瀾長風翼
萬軸撇若橫海翰馬銜伏轅門翊衛森牙官仗鉞指天狼怒
髮衝危冠

按節肅徒旅神劒宵有聲揮揮大旗動烈烈刁斗鳴仰看太
白高俯視滄波平王師古無戰蟪裼安足烹人言從軍惡我
言從軍好用兵非聖意伐罪乃天討運籌中堅內決勝千里
道雷霆馘蛟鼉雨露澤枯槁懷柔首悻獨延訪及黎老牧羊
必除狼種穀當去草凱歌奏大廷天子長壽考

清晨絕長江日夕次海濱北風吹旆旌軍動速若神令嚴戎

馬閑九陌無驚塵，伐鼓震溟嶠。揚帆役鯨人，鯨鱗京觀築。鱗
醢華筵春，喑喑布穀鳴。祁祁農鳴春，去子還故鄉。悲喜集里
鄰，荷鍾啓瓦礫。再荷天地仁，撫綏屬有望。世世爲堯民。

蛟谿詩

蛟乃龍之徒，隱顯異凡質。屈蟠深壑，環靈變不可悉。清溪深
百湍，激滌見冽深。寒飈黯離晶，陰電煬幽室。超騰雲雷，猥訶
禁鬼神。謚應龍翔中天，渙汗濕箕畢。大江揚濁瀾，鼉蜃恣狂
譎。閉藏當有待，保養慎無失。搜奇稟精魄，跼步述故術。谿巖
生長風，林木暮蕭瑟。

題林以仁平反詩卷

木伐豈再植，壁毀寧復完。議獄有緩死，聖言垂不刊。兩造旣
偏聽，無辜遭凶殘。况復使其孥，流離播夷蠻。司牧盡瞠視，任
使獨悲酸。抗詞動鬼神，潤澤生枯乾。死者縱不生，魂魄亦獲
安。孤兒雖不天，且得依故山。聖人過種德，惠及毛與翰。云胡
任民寄視之，如草菅爲君歌。此曲歌竟起長歎。

送僕世南叅政分題得虎林

深林合蒙籠，仰視不見日。中有白額虎，哮吼恣狂猛。怒睛谷
搖電，掉尾原簸颯。牛羊困攫取，樵牧萃憂恤。相公鎮方面，化
捷影響疾。百靈肅號令，萬怪悚潛逸。昔出畫需朋，今行夜辭
匹。泰山絕悲啼，牛哀返初質。豈獨惠斯邦，四海望寧謐。

題山水小畫

谿上春始還微波動芳燠樹暖欲生烟山明初過雨美人期
不來桂櫂怨蘭柱佇立忽懷愁漁歌起洲渚

送田生歸鄉

少年客他鄉還鄉反如客莫驚新井里乃是舊肝石歡笑集
姻親腸酌上班白老翁愛英後慰問至日夕應憐鄰舍兒魚
龍兩縣解

題李伯時西淵明暹來圖

江左昔潰亂桓廬遞相尋劉裕起寒微長驅掃氛祲秋草雖
未枯霜雪已駸駸陶公節義士素食豈其心我才非管葛誰
能起淪沉所以歌去來魁臥五柳陰悠悠多感激愴恨寄謳
吟哲人貴知幾芳名留至今展圖三歎息懷古一何深

題朱孟章虞學士送別圖後

秋郊一盃酒握手念將離落日照野水涼風生樹枝今朝重
相憶青山如舊時鬢毛非松柏爭得不成絲

題老翁騎馬圖

少年遠征役及歸鬢已霜戰甲零落盡空餘弓箭房老馬同
死生蹴踏沙磧長故鄉此何極仰看鴻鴈行

明齋詩爲湖廣陳進士賦

客從于闐來遺我盈尺璧晶光射雲漢璀璨生五色置之暗

室中鬼魅皆辟易願持自照身不用持照人

寄題江東蘭逸監司培芳亭

江離悲楚佩叢桂空秋霜茲花特秀絕得升君子堂艷色非
我貴皎潔有餘光仙人美良夜鳴玉來琳琅纖雲淡華月色
映青鳳鳳飄飄白霓佩左右參翺翔衆卉不敢傍瑤臺清且
涼聞有千歲質其味如瓊漿願持壽 明主天地同久長

題揭伯洪山居圖

黃埃晦城市赤日燄達道榮華能幾何未若山居好啓扉對
平林闢徑入芳草丹崖翠蘿映青嶂白雲抱世事幸見遺陶
趣堪獨討新晴景物佳緩步隨野老倚巖聽鳴芫息陰願
葆蜂亂覺春暄鶴驚信秋早無榮謝馳驅有酒任傾倒但願
長兒童稼穡以爲寶

會稽張氏春暉堂

喬木生山阿碩實秋離離誰知茂育功乃在陽春時丈夫佩
玉玦壯氣東西馳列鼎未酬歡倚門已生悲君看斷根草引
蔓復何爲逝波不可駐感激成吾詩

張子英閑止齋三首

鳥飛止茂林魚游止深淵步止辭踏躓語止絕悔愆號喻升
高壁朽殼消腥涎夸父逐羲和渴死大道邊所以知止者不
爲物所牽擺落塵網嬰寂寞守自然悠悠觀羣動默默全吾

年

閑居安所止自古有陶公柴門蔭高柳左右來清風僅籬密
後疎下有黃菊叢摘花泛濁醪嘯歌撫孤松駟馬耀長衢視
之如蒿蓬

築室在城市而無闐闐聲非關遠人世慮滌境自清圖書堆
几案花竹當簷楹釀酒香滿甕賓至卽共傾黜陟吾不知寵
辱吾不驚百歲聊復爾孰爲身後名

耕雲詩三首爲堵無傲作

青山何逶迤白雲白悠悠數畝幸可耕此外更何求整耨候
時雨荷鋤適東疇凱風拂蘭蕙林薄鳴鳴鳩我麥旣稔萃我
禾亦油油食力分所安但願歲有秋王租及時足尊酒聊相

酬

八月白露零九月築場圃稻粱已暎遂梨棗亦盈塢耕耘幸
就畢一飽諒可取斗酒烹黃鷄股勤會田父但願守令賢邑
里得按堵無事苟安居明朝復相聚

朝耕原上雲暮宿雲間屋雲來動丹青雲去澄翠麓坐看雲
變化臥見雲起伏斯須不可期飄忽鳥過目濯足臨寒泉息
景蔭嘉木飯蔬勿云惡無憂勝粲肉長歌招隱詩清風滿空

谷

壬辰歲八月自台州之永嘉度蒼嶺

昨暮辭赤城今朝度蒼嶺山峻路屈盤峽束迷濤景豁訝出
風門坎窞入天井冥行九地底高閣羣木頂瀑泉流其中微
若洩溟滓哀猿嘯無外去鳥飛更永僕夫怨跋涉瘦馬悲項
領盜賊遺天誅平人遭災肯佇立盼欽岑心亂難爲整

夢草堂遺懷

卽事在自得彊歌非正音所以春草句聲價重兼金若人千
志下遺響邈難尋淒涼一池塘賴爾得至今我來當杪秋天
淨潢潦沈枯荷有餘馨衰柳無殘陰鼓鑿響未已山水意徒
深感時念兄弟惻愴傷我心

在永嘉作

高屋集飛雨
青天山川杳澗澗
聲悽以酸顧瞻宅
翰中夜百感生展轉不遑安
天宇空冉冉時節闌舉俗愛文身誰識章甫冠
平陸皆驚湍滿山澤嗚呼行路難

蟾室詩爲台州樓霞觀道士作

蟾是蝦蟆精誰令居月宮妻其孀旅身竟作餌
靈丹光與日月同子能精鍊之可發天地矇照灼
事一室中哀哉爬沙輩局促棲焚籠

癸巳正月在杭州作

春陽動萬物衆草皆已抽嚶鳴亦和悅我何獨懷憂
蘓鮑未
菹醢豺狼滿山丘鳳凰竄荆棘烏鳶自相求浮雲蔽蒼穹天
路阻且修風沙日暮起鍛羽安所投悲來但中懷泣涕縱橫
流

江城陰氣凝積雨春淒涼出門何所見但見瓦礫塲新廬各
有前店舍亦已張市人半荷戈使客盡戎裝回首舊遊地慘
淡寒烟黃悵焉念所思惻愴心中傷

徘徊西湖上愴恨有所思所思不可見涕淚下沾衣死生一
瞬息逝者安可追狼暉信君子李陵非男兒

鍛鐵當用椎析薪當用斧板蕪而植茶去辛還得苦我我九
陽門衛以豹與虎微微螻蟻忱鬱鬱不得吐

登臥龍山寫懷二十八韻

暮春時雨餘原野皆秀色流雲暖芳甸惠風暢輕翼公崇岡
低垂崇岡繙登陟山川糾紛錯疆吠互紆直淒涼神禹穴偏
仄句踐國玉簡闕玄緘銅牛啓雄德霸氣浩江河王風散荆
棘感今情軫鬱懷古心愴惻東溟尚波濤中原未耕織無能
事蕭曹妄意追契稷蹇產魂屢遷透遯足猶側良辰復幾何
白日忽中昃周流睨圓方俯仰觀動植有水必趨東無星不
拱北宗社固神靈至尊實恭默殷王伐鬼方尚期三年克苗

頑負險阻終竟磨鼠殲天戈向無前况乃誅鬼蜮竊聞海濱
民決昔疾狂慝荷父思一奮所懼官未識朝廷鑒往轍中道
誅貪懷主將敦書詩志士願盡力諸公總英俊矯矯百夫特
愚生諒疎拙千慮冀一得農人奉壺漿遲爾珍蝨賊采薇戒
懷歸伐檀慙素食日雲在青天可望不可卽浩歌梁甫吟憂
來憑胸臆

立夏日有感

朝夕天宇清逍遙步履除溫風自遠至綠樹嘉有餘登高展
遐眺萬象各以舒念此客行久感彼時節徂退食恥尸素進
思愧庸駑仰視日月高俯察川原紆願欲凌風翔周流觀六
虛天路修且阻憚無奇肱車倚松甃懸蘿蒼苔進道公叔
實尚賢甯武不能愚何當脫塵鞅歸臥園田若

贈柯遂卿一首

并序

今年夏四月余至台聞柯遂卿抗言釋誣因事甚異而盛
之夫天下之大豈無慷慨激烈之士見義而勇爲之者哉
其作也非有私其進也非有求觸于其心形于其言發于
其言信于其事可不謂之大丈夫哉惜其晦而弗彰也於
是乎爲之詩曰

雷霆蟄神威妖蜃躍海濱將軍戰敗死玉帛空無人腥涎之
所被蛭蝨皆蛇鱗寒飈不張弦民情曷由申縣講亦令典奉

行在明仁誰令姦宄徒並緣逞頑黠俄然齒髮軀化作豺狼
身剽金旣無畏况復枉平民壯哉柯夫子義氣衝九旻曳裾
公府門抗論回星辰坐令霜雪間朽骨生陽春睨視夸毗兒
精魂散飛塵我忽耳聞之肝膽張輪囷安得似卿輩落落千
百人出應休明時翊贊臯陶臣旌別鸞與臬再使權衡均上
天意茫茫感歎空悲辛

贈周宗道六十四韻

天弓撥其弦平地躍虎狼腥風扇九澤濁霧干太陽瓊瑣蛟
與蠱亦沸如蝟蟾帝閭隔蓬萊弱水不可航螻蟻有微忱抑
塞無由揚遙遙草茅臣怒切忠憤腸披衣歎軍門披腹陳否

厥口走居海隅詩書傳世芳感荷帝王恩祿食則朝行走身
非己軀安得緘其肮走有日擊事敢布之廟堂永嘉浙名郡
有州曰平陽面海負山林寔維甌閩疆閩寇不到甌倚茲爲
保障官司職防虞當念懷善良用民作手足愛撫勿害傷所
以獲衆心卽此是仞壻奈何縱毒滂反肆其貪攘破稟取菽
粟夷垣劫牛羊朝出繫空橐暮歸荷豐囊丁男跳上山妻女
不得將稍或違所求便以賊見戕負屈無處訴哀號動穹蒼
斬木爲戈矛染紅作巾裳鳴鑼撼巖谷聚衆守村鄉官司大
驚怕棄鼓撤旗鎗竄伏草莽間股慄面玄黃窺伺不見人湍
江走俛俛可中得火伴約束歸營塲順途劫寡弱又各夸身

強將吏悉有獻歡喜賜酒觴殺賊不計數縱橫書薦章民情
大不甘怨氣結腎腸遂令父子恩化作蠱與蝗恨不斬官頭
剔骨取肉膏壘野田中拜泣禱天皇願得賢宰相飛牋奏
嚴廊先封尚方劍按法誅姦賊擇用忠蓋臣俾之提紀綱變
孤落鷓梟薙棘出鳳凰尚可存子遺耕稼納官倉失今不早
計如水決隄防而後事堙築勞費何可當足間疽初生灼艾
最爲良熾成施剗割所憂動膏肓邊戎大重寄得人則金湯
龔遂到渤海盜賊還農桑張綱入廣陵健兒跪如羊苟能任
仁智勿使儉邪妨孟門雖險艱可使成康莊走非慕爵賞白
鬻求薦揚痛惜休明時消患無其方又不忍鄉里鞠爲狐兔
塲陳詞未及終涕泣下滂滂旁觀髮上指側聽心中傷天路
阻且修不得羽翼翔可憐涸轍魚待汲西江長兄有蛟與蛇
磨牙塞川梁旄丘靡與同載馳徒慨慷嚴冬積玄陰天色慘
以涼衆鳥各自飛孤鸞獨徬徨冥靈山雲木葉殷清霜子
去慎所適我亦行歸藏

遣僕

鴻鵠會高風拂翼凌雲霓蛟龍不得水葺鱗因塗泥惟昔望
諸君一戰舉強齊秦穆伯西戎能用百里奚傳說築商巖太
公釣磻溪韓信寄食飲孔叻躬耕犁立賢苟無方曷問鷲與
鷲驅車上太行峻極不可躋重雲蔽層岑流潦絕荒蹊豺狼

當我嗚噫魅向我啼顧瞻望九州欲去惑東西嘉穀委蔓草
良田養蒿藜乘黃避跛鼃狐貉驕虎豹誰言縱壑魚竟爲觸
藩羝長夜起嘯嘆邪氣憑我臍夢登舜蒼梧遙望禹會稽援
琴奏將歸日暮增慘悽盲鸞正渝勃孤鳳將安棲

三月八日偕徐成中楊澄源孫子庚吳溥泉董朝宗黃
中立程邦民湯仲謀王文明遊南鎮得禽字

積雨霽芳甸飆風來遠林逍遙出郊郭徙倚散煩襟桂棹蕩
清漣長裾曳輕陰肆覽夏王陵流觀秦帝岑黃熊安所之荒
楚自蕭森仰翫卉木榮俯聆泉石音洋洋潭底魚啾啾枝上
禽昭融見天德澆養怡人心况有文彥友溫恭比瑤琳獻酬
禮不愆詠歌思彌深良辰豈易得嘉會難屢尋願作膠與漆
無爲商與參殷勤屬此章冀以代兼金

送馬生遊京師

東山夜雨急鑑湖春水深之子遠于邁祖帳清江潯白日暎
蘭臯青烟起松岑豔舞激回風長歌哀音何以慰離懷八
珍盈釜鬻何以將素情贈言比瑤琳京畿佳麗地多士紛如
林構厦後檀柎去疾須苓參殷勤治安策惘歎大寶箴數陳
草茅情啓廸帝王心斯人邈永矣繼之在于今勿羨蘓季子
自侈多黃金

別峰和尚方丈題唐子華山陰圖

連山走陂陀太谷入崦嵫屋瓦深樹中路出巨石背烟雨時
有無澗谷互顯晦輕盈曳飛納縹緲沃浮黛雄梁矯修翬駢
壁駁文璫崢嶸紫霞高屈曲白水匯陰森神鬼宅奮迅龍馬
隊風雲氣象寬日月光烟碎借問此何鄉或有捐余佩蒼云
越山陰信美無與對自從永和來燕遊推勝槩佳人去不還
盛集嗟未再唐令實好奇撥拾歸西繪上人遠公徒我亦淵
明輩會晤屬時艱觀覽增感慨故園沒灌莽舉足蛇豕礙放
歌自太息激烈驚厚載

送孔世川赴江西儒學提舉

鏡湖荷花發耶溪菱葉生送君何所之去作西江行西江大
藩地卓犖多豪英文能綸雲漢武能壯干城浩蕩吳楚開頽
波障東傾鳳凰不妄集梧桐匪空榮行行勿憚遠亭壘崇令
名

我辭西江歸倏忽十二秋每望西江雲思心悵悠悠恨無排
風翼安能凌虛游故人渺天末可夢不可求邂逅送子行感
我涕泗流登山有修蛇涉水有長虵逝者如零雨一落誰能
收

爲竺西和尚題谿山茅屋圖

青山十畝餘茅屋數間足高樹結浮烟修篁茂深綠孤松無
鄰舍生理不拘束開田種禾稻間以黍與粟中歲幸西成青

黃被谿曲鳧鷖與鴻鴈亦各得所欲清秋霽涼雨潤底石如
玉野老時見過杯酒聊與屬但願官長廉吏卒莫我毒耕稼
納王租世世還相續

春谷詩爲竺西和尚賦

條風自東來雪消春谷暖荒畦碧草短清池細泉緩谿花明
錦繡時禽響弦筦道人閑無事習慣牛頭嬾過橋禪杖落坐
石袈裟袒日暮精舍歸燈龕白雲滿

四月二十二日郊外游得水字

草根螻蝻鳴湖上蒹葭靡繁林娒深綠清池散圓紫離居昧
節序陶情賴佳士泛舟山郊甸緩滯信所履盡鴈展倡酬及
此晴日美嘯歌望山川慷慨集悲喜豺狼未鼎鑊郊野尚多
壘鐵衣掛儒冠好爵逮麻屣吾儕幸味苦得似道傍李無思
身外憂適意聊復爾歸雲入禹穴返照射宛委烏啼樹有風
帆過烟生水興盡各言還月明城角起

題枯木圖

松以直而伐桂以芳而攻睠此屈曲形擁腫又空中身爲螻
蟻家根作螻蟻宮蠹皮化土壤朽腐不可烘輪囷盤石間幾
歲經霜風明堂構羣材梯梁面徑隴斧斤獨不到凋落還芘
芘知兵牘孫子善射殲有窮胥種伏短劍韓彭歎良弓豈如
魚鼈根預薪翳蒿蓬飢食渴則飲不識王與公白髮死枕席

無事傷其躬贈詩持酒還去尋黃綺翁

五月三日會王氏南樓得激字

蹇步屬時艱睽違苦多感偶寄越城隅頗喜得幽寂炎夏大
象明羣山峻如滌况有文獻友同心不離逃雖無鼎俎盛斗
酒聊相覓登樓望禹穴慷慨生感激玄珠論赤心金簡不可
覲崩騰六合內慘淡多羽檄天弧弛虛殼封豕逃礎鑽惟見
野田中白骨雜瓦礫憂來歌一曲客淚再三滴晚風吹晴霞
海色映石壁展詩肆遐眺嚴令困勅敵諸公俱鳳麟愧我獨
樗櫟危途知驥騄勉旃樹功績無然學兒女愴恨山陽笛

題西旅獻葵圖

鳴鳳啓至德縮京作王家萬國戴元后懷柔無邇遐遜矣裔
曩人占風慕中華垂服耳金縷奉毛服効室獻葵越重譯幸
苦涉流沙歸仁自後心務廣匪予夸警警大廷臣忠古猶咨
嗟卜年盈八百分得未爲奢云胡叔世主黷武生誼諱柏馨
毒南徼河源詫西檉哀萬夫命驅以易驪騎暴戾文祖訓
大貽天下瑕西圖漫寫形容意良無涯太康焚雉頭宮闈
妖芽開元灰組繡驪岫荒濠哇夫豈不有初蕩心生百邪望
美洛陽都赤符炳流霞玉關閉高門軍賓絕相加鳩杖老
狸虎落譚桑麻煌煌中興業奕奕流芳葩謙光信受益知是
復何羞感事重懷古因書戒矜誇

題錢舜舉折枝山茶

歲暮寒氣結百卉無遺榮
懿此獨不凋方冬幾紅英
有似節義士特立不爽貞
幽居屏紛雜丹鉛寄深情
蕊蘂翠雲翹綴以流霞精
玄霜避晨豔華月助宵明
坐令桃與李無言愧微生
贈詩勿遐棄貴之比璠瓊

遣興六首

避地適他鄉息肩謝羈束
生事未有涯暫止聊自足
南園實清曠可以永幽獨
層樓面羣山俯見湖水綠
雜英被郊甸魚鳥得棲宿
登臨且慰意未暇計遠躅
聖賢有遺訓知命夫何積
雨兼數旬天氣涼有餘
青苔交戶庭始覺人跡疎
地主多閑園可以種我蔬
兒童四五人蔓草相與鋤
旣倦則歸休臥闌牀上書
無事且爲樂何者爲名譽

夏日苦太長夜景良可愛
華月吐曾岑遙天碧如黛
披衣更登樓稽山正相對
澄湖晶空明浮雲去無礙
遺榮世何人賀老今不在
涼風吹毛髮坐久增感慨

溽暑百體倦曉涼正堪眠
飛蚊何營營繞鬢鳴相煎
拍之不勝多揮去還復前世
亂有骨肉逃生幸完全
細微何足較此意誰當傳

綠樹何陰陰良苗亦離離
開窓招遠風赤鯉躍清池
雲日釀

晴光菱荷有餘姿宴坐偶自得悠然遂忘飢富貴不可求守
分勿復疑

迂疎乏世用矯情非所安投簪謝時輩聊得心中寬回首望
故鄉荆棘日以繁譬彼水上萍隨流且盤桓樓頭好山色晴
雨皆可觀未知明朝事且盡今日歡

久雨壞牆園蔬盡壓悵然成詩

晚歲逼豺狼漂搖去鄉土囊橐罄畱儲釜甑恒若窳開畦種
蔬菜撥借荷地主晨興率童稚樹藝躬僮僕瓠實正纍離茄
花亦爭吐魚肉方絕交恃此當醞脯悲風吹江干浩蕩十日
雨幽泉湧陰竇高墉圯修堵蒼蔓壓泥沙茆埋宿莽淒涼
紫芝英乃與朝菌腐數奇值時危一飽不敢取天地有窮愁
每望貧家聚青苔滿頽墻日暮空倚柱

題鮮于伯機書杜工部詩後

少陵昔避亂買屋西枝邨卜鄰得贊公聊可與晤言四郊闕
豺虎烟塵塞乾坤中宵望北辰慘感衰老魂我今亦漂泊不
得歸本根感此一太息欲語聲復吞

次韻和脫因宗道感興三首

索居守貞素久已忘世機晨興夕還寐不知時節違庭前有
芳樹宿昔容顏非巢鳥去安之寒蟬鳴亦稀居人歌北風客
子歎無衣浮雲結陰翳白日少光輝鴻鴈號南翔蟋蟀在中

闌榮華如流水一往何當歸

松栢守孤直不爭桃李色明星在青天有時化爲石春風車馬塵竟日翳紫陌寧知禾黍地舊是王侯宅蓬萊有仙藥求之不可得霜風吹林木歲暮徒淒惻

鈎刀方用世掛壁干將閒剪松養荆棘匠石空悲酸驅車陟大行日暮多險艱玄冰膠大谷脫粟貴琅玕魑魅攬人魂豺狼食人肝路遠無羽翼何由得飛還

題春江送別圖

春江水悠悠行人上蘭舟春雲散江樹行人重回顧嘉會未有期離心渺千里願作還山雲莫作東流水

琴清堂詩

亭亭嶧陽桐斲爲綠綺琴絙之朱絲絃彈我白雪音虛堂夜迢迢華月耿疎林鳳凰天上來虬龍水中吟曲罷起太息無人知此心

田家

田家無所求所求在衣食丈夫事耕稼婦女攻紡績晨荷鋤出暮夜不遑息飽暖匪天降賴爾筋力程獲所從來官府宜愛惜如何恣刻剝滲漉盡涓滴怪當休明時狼藉多盜賊豈無仁義矛可以弭鋒鏑安得廉循吏與國共欣懌清心罷苞苴養民瘼國脉

渡江遣懷

東風吹滄江白日照花柳山川半顯晦積雨晴未久青陽好
 氣候羣物競苞剖農夫荷鋤犁各自登隴畝鳴鳩鳴相應陂
 水光瀏瀏天地起戈兵荆榛塞原阜茲邦特按堵庶足憩奔
 走故鄉有園田委棄沒藜莠老母年八十頭童齒牙朽癡兒
 始垂髫出入寡朋友衣衾雜絮毳羹食乏菘菹儼然多病身
 全家倚糊口那令更遠去憂念成疾首千金聘宿癘顧謂西
 施醜鹽車摧太行驂驪不如狗况我鴛鴦質困踣畏培塿濟
 河須巨觴將焉用罍缶朱絃絙瑟曷中洪鐘紐劍蒿射犀
 華空貽養山谷巍巍神祖烈乾坤讓高厚蠢茲蛇豕儔乘間

恣哮吼非無熊羆臣土產分左右更張吾豈能習慣彼已狂
 鹿麋曾傷虎宵邁讐裡內寤言亂心緒忽若醉醇酒疎賤等
 蚍蜉捐軀復何有夷吾匪每生鞠育未宜負愴恨憶松楸淚
 濕蓬鬢垢道途正艱阻進退維窅白向風一嘆情何由達南

十

題山水圖

江上何所有高低千萬峰結廬覆以茅取足聊自容綠樹旣
 蒼鬱清溪亦溶溶地僻無車馬猿鳥得相從日落沙際明寒
 烟澹疎松蒼萍雲霞外隱見青芙蓉悠然一舸還好景時獨
 逢歸來山月出古剎鳴昏鐘

若耶溪杳郭深居精舍

上人好山居入山惟恐淺紆餘涉澗云結構依峻嶒岡巒外
挺拔水木終隱顯其前對鵝鼻突兀正冠冕其傍連木禾積
翠森偃蹇後有獅子巖酋峯露巖巖春花炫陽林秋草馥陰
峽高通雲雨過側見星斗轉桃源不遠求箕穎安足踐我來
三伏涼羈懷忽如展談經道心融聽法俗慮翦疎窓夜深啓
孤月掛遙峴空濛白毫光閃鑠動崖巘何當此卜隣永用辭
澳涵

大熱遣懷

盛夏火用事長日不可堪熱汗發我膚如泉溢穹嶷清晨登
樓望四野皆紅嵐坡陀會稽山縹緲浮鬱藍何由作雨澤一
洗喝與酣須臾玻瓈豁湧出琉璃潭雜氣若絳旂飄飄散空
哈朱先焚九幽天色痛以醴樹木首咸俯鳥獸聲盡籟玄冥
將禹強側身入壑龕淵蛇葺短鱗山龜灼枯廳悍熊伏朝巖
困龍縮秋蠶焦根裂埴斷鑿鷓蚌腑含水井爲湯池冶容成
病領渡水翅帖帖守門口舂舂蛸蛸輕綃翼依陰萃楓柗沸
滄泊靜寂噪聒亂語談蒼蠅丹砂頭羣飛逐烹脂指之適汚
手驅之死仍耽對食憚下脘引飲輒傾甌撫几炎欲燎披衣
重猶函慨彼征戍卒荷戟忘寢寐棄絕骨肉愛不得同苦甘
但聞盜賊熾未見王師戡郊原虜掠遍餽餉那能單况乃隆

暑節蒸鬱非所諳用兵貴拙速將帥當懷慙沈冥及暮藪兩
目脂流泔拂袖招遠風衆星爛天南河漢上昭回烟霞遠豔
鬚且喜辰極明願覩戎馬倏雲門連鏡湖林壑清且涵豈惟
隔埃瑳庶足憩負擔惜無五畝宅偃蹇投吾簪

六月十八日白天章入城作

天淨山氣涼溪渾夜來雨籃輿度疎翠初日照平楚高林半
長烟好鳥時自語頗襟得蕭散似欲忘羈旅何當盜賊息比
屋豐禾黍逍遙丘壑間鹿麋以爲伍

晚同方舟上人登獅子巖作

落日下前峰輕烟生遠林雲霞媚餘姿松柏澹清陰振策縱
幽步披榛陟層岑槿花籬上明莎雜艸間吟涼風自西來颯
颯吹表襟榮華能幾時搖落方自今逝川無停波急弦有哀
音顧瞻望四方悵焉愁思深

七月四日自深谷之靈峰作

平旦出雲門亭午至靈峰山盤澗紆紆谷深巖錯重竹露滴
皎皎林霞散溶溶度石苔蘚滑披蘿烟靄濃頗喜禾黍成可
以慰老農野草各有花照水似銜容徐行恐觸熱聊憩崖下
松時聞幽鳥鳴亦足開心胸慨懷陶隱居丹竈今無蹤干將
與莫邪俱已化爲龍空餘遠山色菡萏青芙蓉

清修院良上人浸月軒

華池浸皓月高下共清瑩烟如長明燈飛入大圓鏡又疑鉛
汞爐伏火發宵暎層軒開九秋萬象出皆墮月來池色動月
去池色定窺臨足遊適翫味見心性珍重無生侶於焉託清
淨宴坐六塵空百魔從律令

普濟寺用恭行已上人韻

偶從靈峰來遂作雙峰遊雙峰何峩峩俯映耶溪流炎天正
埃鬱欲往安所投喜見農事成秔稻滿中丘步入古寺門信
美無與儔淥池對徑路水木自深幽飛蘿昌松栢上有猿與
猴登樓散煩熱坐挹山纏繆更愛山下泉冷冷洩陰溝青苔
闕修竹竟日涼風雷披軒眺西崖煥若丹霞浮神劍去安之
起望空斗牛沈思終永夜月白銀潢秋

題陸放翁晚興詩後

雄劍闕寶匣中夜蛟龍吼男兒抱志氣寧肯甘衰朽松栢在
深谷枝葉拂星斗雖無般匠顧勢自凌培塿昂昂商山翁矯
矯渭濱叟林泉不遐遺軒冕亦固有奈何劉伶輩賤身若芻
狗徒生天地間辜負髮與手三復詠斯章千載吾尚友

題商學士寒林圖

昔聞商學士水墨稱絕藝今觀寒林圖信美無與儷淒涼霰
雪餘簾掃悉輕脆玄冰刮老骨衣被倚織荔龍鬚結瓔珞虎
爪出鋒鏡鱗皴蝮蛇殼瑤錯琅玕帶下有不死石藍汁沃鬢

鬚前有赴海湍激濯沙土細青烟曼遙渚白日淡荒喬蒼茫
浮雲外縹緲惑盼昧梧桐早飄落鳳鳥將焉逝四序若循環
歲華在掃翳衰榮各有時至道惟冥契

題雜畫卷子

山川出雲霓谿谷藏虎豹枯樹繒綾身怪石魄曩貌竹枝如
琅玕烟雨昏暮翠梅花雪中閱的礫珠磊醜蘭獨稱國香姱
豈最可樂蕙纖草堪籍傷覃棘能抓宋公學元暉駭獸見騰
跼老斑性嗜酒藻思發餘醉丹丘泣龍髯零落江湖擢頭王
食敗筆得米動盈甕僧明本靜者一藝起衆闢展卷見歷歷
脚足解喧囂裁詩慕韓豪瑣細非所較

題宋子章效米元暉山水圖

昔時米南宮父子同西癘油然烟雨態千里入盈尺近代宋
尚書筆意妙欲逼置之几格間新舊莫辨識應是前後身神
會造化迹鴻濛迷日月瀕洞飛霹靂蒼崖晦中斷天闕杳高
隔洪濤漲無倪龍虎移窟宅農夫怨昏墊樵收絕行跡破屋
兩三家搖撼已煩側得非杜少陵無乃陶彭澤蒼茅委泥濘
籬菊沒狼籍空江乏舟楫汗漫安所適披圖瞻青冥惆悵至
終夕

爲賈性之賦松石

老松不搆厦潛跡歸后土千年化爲石詭怪驚地府鄂都壯

誠意集
輪奐翦截就梁柱嶙峋鋸鑿餘棄置人得取君家赤玻璃光
采奪朝煦憎變鐵心堅璀璨霞色古何當呼吳罌匠以修月
斧持獻女媧皇天罅或可補

有客來款我

有客來款我自謂儒者儔問我胡不出乃來此淹留我笑而
不答彼問方未休彼我異所志問答寧相投青山屋外高溝
水山下流隱几書一卷寒簷雀啾啾

題趙文敏公畫松

吳興昔王孫能畫世莫及觀其二松圖矯若龍出蟄蟠根破
地輿拔萃滄原隰交加各軒翥崩劣相倚立鱗撐空青豕
鬣振殿飄高藏日月氣清滴雲霧汁垂釣者何人短棹非吳
槩五湖多風濤蛟蜃頭角解不如滂澤間取足鱣與鰕倦眠
松影下百竅清涼入慎勿驚松枝天寒永袂濕

題三香圖

梅是玉堂花和羹有佳實水仙如淑女婉婉抱貞質山礬直
而勁野處似隱逸分類族雖三論德性乃一瓊臺耿清夜涼
月白勝日霏霏芳氣交粲粲華采溢琪樹讓晶瑩瑤草愧私
暱願言永其歡歲莫保終吉

感時述事十首

天王有萬國撫治不能偏百僚分所司控制倚方面旬宣貴

浹洽付託屬隆眷易置苟無恒勤忘朝夕變自非敦氏儔何
官匪郵傳矧茲世多故軍府希聞宴戎機一以失蟻穴債臺
殿公庭委舊事書牘呈新逸來者且遲遲在者同秋燕偷安
待日至退託從私便姦貪遂乘隙民病孰與言大臣國柱石
憂喜相連纏反躬既遺闕何以率州縣寄與要津人有舌未
宜噤

十羊煩九牧自古貽笑嗤任賢苟不貳焉用多人爲師行仰
供給州縣方告疲差徭逮所歷添官有權宜奈何乘此勢爭
先植其私百司並效尤貨賄縱橫飛列坐監公堂號令紛披
離名稱到輿隸混雜無尊卑正官反差出道路不停馳狗祿
曠日月官吏之所希此輩欲何求駿刺圖身肥

世皇一宇宙四海均惠慈盜賊乘間發咎實由官司云胡未
悔禍救焚用膏脂姻婭遂連茹公介棄艸茲農郊日增豐良
民死無期天關深虎豹欲語當因誰
先王制民產曷分兵與農三時事耕稼闢武在嚴冬亂畧齊
憤疾戰伐厥有庸那令異編籍自使殊心胸坐食不知恩怙
勢含威克將官用世襲生長值時雍豈惟昧韜畧且不習擊
剽悍卒等驕子有令亦無從跳踉恣豪橫鼓氣陵愚蠢所以
喪紀律安能當賊鋒崩騰去部曲蟻合尋歸蹤時方務姑息
枉法稱寬容寧知養豺虎反噬中自鍾國家立制度恃此爲

垣墉積弊有根源終成腸肺癰何由復古道一視均堯封
豢狗不噬禦星馳募民兵民盡烏合何以壯干城百姓雖
云庶教養素無行譬彼原上艸自死還自生安知狗大義捐
命為父兄利財來應召早懷逃竄情出門即剽掠所過沸如
羹總戎無節制顛倒迷章程威權付便嬖賞罰昧公平饑寒
莫與恤銳挫怨乃萌見賊不須多奔潰土瓦傾旌旗委曲對
鳥雀噪空營將軍與左右相顧目但瞠此事已習慣智巧莫
能爭廟堂忽遠筭胸次猜疑并豈乏計策士用之非至誠德
威兩不立何以御羣氓慷慨思古人惻愴淚沾纓

古人有戰伐誅暴以安民今人尚殺戮無問豹與麟濫官舞
國法致亂有其因何為昧自反一體含怒嗔斬艾若艸芥虜
掠無涯津况乃多橫斂殃禍動輒臻人情各畏死誰能坐捐
身所以生念慮嘯聚依荆榛暴寡憚強梁官政惟因循將帥
各有心逸若越與秦遷延相顧望退託文移頻坐食挫戎機
養虺交蛇鱗遂令耕桑子盡化為頑嚙大權付非類重以貽
笑冀鼠孽方取貴和璧非所珍但恐胥及溺是用懷悲辛
五谿舊三苗蛇蝎相雜處其人近禽獸巢穴依險阻起居任
情欲鬪狠競爪距况能識君臣且不顧子父所以稱為齒分
北勞舜禹先朝慎羈縻罔俾來中土胡為倏而至馳驟如風
雨見賊但趨趨逢民輒俘虜腰纏皆金銀衣被俱繡組所過

惡少年改服投其伍農家劫掠盡何人種禾黍盜賊有根源
厥咎由官府任將匪能賢敗衄乃自取奇材何代無推誠卽
心膂誰哉倡此計延寇入堂宇割鼻救眼睛於身竟奚補浙
西耕桑地百載安生聚自從甲兵興徵歛空軸朽疲氓真可
憐忍令飼豺虎追憶至元年憂來傷肺腑

虞刑論小故夏誓殄渠魁好生雖大德縱惡非聖裁官吏逞
貪婪樹怨結禍胎法當究其源剪鋤去根芟蒙龍曲全宥駕
患於後來濫觴不埋塞滔天谷陵頽總戎用高官沐猴戴母
頤玉帳飲酒肉士卒食菜藿未戰已離心聖風遂崩摧招安
乃倡議和者聲如雷天高豹關遠日月照不該俱曰賊有神

討之則蒙災大臣恐及已相視若銜枚阿諛就姑息華緩被
死灰姦宄爭效尤無風自揚埃嘯聚逞強力謂是爵祿媾黎
民亦何辜骨肉散草萊傾家事守禦反以結嫌猜慟哭浮雲
黑悲風爲徘徊赤子母不憐不如絕其脛養梟逐鳳凰此事
天所哀胡爲尚靡定顛倒腥與頽春秋戒肆青念此良悠哉
八政首食貨錢幣通有無國朝幣用楮流行比金珠至今垂
百年轉布彌寰區此物豈足貴實由威令敷廟堂喜新政躁
議遠老夫悠悠祖宗訓變之在朝脯瞿然駭羣目疑怪仍抑
掄至寶惟艱得韞櫝斯藏諸假令多若土賤棄復誰沽錢幣
相比較好醜天然殊譬彼絺與綌長短價相如互市從所取

孰肯要其備此理實易解無用論智愚矧茲四海內五載橫
戈及赤子投枳棘不知所歸途一口當萬喙唇縮舌亦瘖導
水必尋源源遠流乃疏藝木必培根根固葉不枯慎勿庸邇
言揚火自焚軀尚克詰戎兵丕顯厥祖謨

惟民食爲命王政之所先海陸實天物厥利何可專貪臣務
聚財張羅密於疆厲禁及魚鰕鹵水不得煎出門卽陷阱舉
足遭纏牽無休用鞭箠冤痛聲相連高牙閉怨府積貨重姦
權分攤筭戶日滲澁盡微涓官征勢旣迫私販理則然遂令
無賴兒睚眦操戈鋌出沒山谷裏陸梁江海邊橫行荷纂籠
刀駕列船舫拒捕斥後儒爭疆夸直前盜賊由此起狼藉成
蔓延先王務廣德如川出深淵外本而內末民俗隨之遷自
從甲兵興奄忽五六年借籌討得喪耗費倍萬千回憶至元
初禁網疎且平家家有衣食畏刑思保全後來法轉細百體
皆拘攣厚利入私家官府任其愆大哉乃祖訓典章尚流傳
有舉斯可復庶用康迪邇

秦皇縣九守三代法乃變漢祖都咸陽一統制荒甸豪雄旣
鏡削瘡痍獲休宴文皇繼鴻業垂拱未央殿累歲減田租頻
年賜縑絹太倉積陳紅圍府朽貫綠是時江南粟未盡輸赤
縣方今貢賦區兩際日月竊胡爲倚東吳轉餉給豐饒徑危
冒不測勢與蛟龍戰遂令鯨與鯢掉尾垂利便扼吭要國寵

金紫被下賤忠良怒切齒
姦克競攀援包羞屈政典
尾大不可轉聖人別九州
田賦楊爲殿中原一何臚
所務非所先幽風重稼穡
王業丘山奠夫征厲末習
孰敢事游燕哀哉罔稽古
生齒徒蕃羨一耕而十食
何以奉征繕長歌寄愁思
涕淚如流霰

丙申二月別紹興諸公

勞生屬時艱將老萃憂戚
風塵隘九野何土爲樂國
茲邦控吳越名勝聞自昔
湖山競奇麗物產亦克斥
交遊尚質儉而不事華飾
况有良友朋時來慰岑寂
全家免寒餓幾欲忘旅客
客胡爲復舍此黽僦就行
役軒車遠追送酒至淚輒
滴還鄉人所樂我獨愁苦
劇故山有松栢摧折爲荆
棘豈無骨肉親大半生死
隔此語不可聞此景那堪
覲愁情如波濤瀕洞胸與
臆佇立向穹蒼一歎雙鬢
白

雨中雜詩四首

久晴思得雨旣雨久復厭
廣庭屯陰氣平陸就昏墊
凄風吹人寒朱火黯無燄
水衣上高墉泉溜發枯壟
青泥沒達道寸步不可覘
慷慨成感傷纏綿積憂念

首夏涼風生朝樹結晚色
濛濛細雨交慘慘原野黑
衡門長藜莠壞壁穿荆棘
念彼征戍兒沾濕荷戈戟
囊橐罄畱賞藿菽難克食
供輸旣乏絕戰鬪何時息
巢居者誰子鼠竄延晷

刻田疇沒蓬蒿無處勤爾力旻天高寥寥仰視不可極
多雨損萬物草爛麥生耳青苔獨得時延曼及堂庀晨典視
天宇滴瀝殊未已君子懼陸沉小人憂餓死淒涼大將營鼓
纒弧弓弛朝廷竟知否盜賊如流水

離居感時節寤寐不遑安青燈晦壁角簷溜如崩滿屈指計
日月殷憂集多端蛙黽爾何知叫噪喧草莽中夜攬衾稠淒
淒陰氣寒鳳凰鍛羽翼昇飛避鴟鳶撫几一長歎聲出心已
酸

次胡元望郊行詩韻

誰言公館清晨氣晚未散豈乏樹葱芊尚有花爛熳美人隔
巷陌可念不可與溫溫夜光璧幽卅潛璀璨鄙夫競喧譁達
士善大觀世情如秋蓮零落風中瓣少年喜紛紜談笑輕絳
灌進取務出奇周慮非習慣逝水難重廻芳時愁坐換元臣
鎮方面邊戎仰成等應憐四郊外荆棘滿耕畔悽悽憂葵女
惻惻撫牀瓘與懷增感傷展轉過夜半起行視青天星河色
凌亂安能作野馬脫畧謝羈絆

秋夜感懷柬石末公申之

不寐知夜長起視天宇闊散漫草上風朦朧雲間月寒禽鳴
疎樹黃葉墮階闥俛仰觀羣物惆悵不敢發誰云螻螿壤能
使泰山疏蒼鷹鍛六翮狡兔營三窟何當威弧正王旅得肆

伐箇籟雖微材尚可施羽管豈意風浪舟心猶隔胡越士生
非金玉有足難自達周發不恤緯楚放常懷闕平生葵藿情
忍與霜露歇玄冰膠坤軸非君孰能幹申章匪繁辭悲憤不
可遏

次韻和石末公用元望韻遣興見寄

鶉鳩勸春耕桴鼓帖宵邏捫循餘暇日珠玉生咳唾時維青
陽初天子在左个布德順木令萬國罔不和祿食自紛紜撫
字誰最課幅員若金醜絲髮無豐破涓涓可摧山機禍不在
大中夜登高樓遙瞻太微座乾坤滂寥落日月飛鳥過憤惋
空有心盛時嗟已蹉

以野狸餉石末公因簡以詩

野狸性狡稍夜動晝則潛繫之籠檻中耳弭口不咤當其得
意時足爪長且銛跳踉逞俊捷攫噬靡有饜家貧養一雞與
用易米鹽爾黠弗自食尋聲竊窺覘破柵舔肉血淋漓汗毛
髯老幼起頓足心如刺刀鎌東鄰借筌蹄西鄰呼獾獫繫餌
鬚叢灌設伏抽陰鈴彼機歟已發此欲方未欵絲繩急纏繞
四體如藕黏野人大喜慰不敢私烹爨持來請科斷數罪施
劍剗使君鎮方面殘賊職所殲械送致麾下束縛仍加箝腥
膏忝污鉞羶齒或可醜萋芳和糟醬頌賜警不廉黃雀利螳
蝦碎首泥塗霑烏鴉殉腐肉噴墨身受淹此物亦足戒申章

匪虛誥

和石末公種棘用胡元望韻

力役困年侵種棘代遮邏豫防苟無失有地孰敢唾風條曲
抽乙雨葉細垂个是時春載陽土脉如膏和分強督藝植勤
倚各有課揮鋤綠烟披轉石蒼蘚破稍着萌葉長漸覩根株
大結蔭冒長堤開花映高座猿公不敢窺貉子那得過慨慕
陶公言罔俾分陰豎

得令字

勾芒發陳根北斗轉東柄衆星各參差威弧何時正好生雖
聖心明刑亦王政哲人慎謀始斯焉獲終慶徒言兩啗舞可
以懷逆命不見三危山萬里竄梟鏡世德異唐虞民情好爭
競那無跼扁醫而有膏肓病波濤地軸甃虎豹天關夏雨露
當春滋風霜及秋勁誰能奉明主順天行號令

正月廿三日得台州黃元徽書有感三首

世亂網恢恢斯人亦淪翳數奇當何如窮途難爲計盲風振
喬木頽杲失其蒂虎豹落機檻坐服輿皂制玄珠迷罔象白
日慘陰暄涉水水有蛟入山山有彘棄馬感須無直道懷柳
惠青冥無羽翼悲來夜迢遞

結交無疏戚艱難見平生金石苟不渝萬里如兩楹重山非
云遠邈若遼與荆熾婉豈不懷蛇虺正驕臂手持故人書心

念故人情開書問故人淚下如雨傾

客從何鄉來遺我尺素書道路險且艱故人情有餘妖氣晦
斗極黃濁混龍魚何荃不爲稽何麟不爲龜殷勤故人心炯
若明月珠投之千丈泥萬古光不渝安得致閭閻以照君王
車

次韻和石末公春雨見寄

愁陰沴陽景孟春猶苦寒騰雲湧巖岫落雪蔽江干街衢溢
黃潦井谷生狂瀾誤疑蛙黽窟中有蛟龍蟠復憂扶桑日坐
爲黃濁漫顧瞻望四郊側足不遑安卻秦慕魯連存齊想田
單玄髮雖向改壯心終靡殫小人務苟且君子慚素餐高牙
對多壘肉食徒王官周網雖云弛一匡賴齊桓莫驚溝澮盈
雨息當自乾

次韻和石末公春日感懷

下澤潢潦集幽林光景遲羈禽有哀響槁葉無半姿梁柳不
同畝世事久當遺便欲駕扁舟泛彼湖上瀟慨懷祈招賦陰
惻感遐思流光逐飄風去若六馬馳于戈尚雜選舉日多可
悲步登西城憐還望東城隍庭悼春陵吟遠傷鴻雁詩未能
已怨怒矧服防笑噉賴有賢大夫直道人不欺相期各努力
共濟艱難時

紫虛周道士還俗多年而貧老如故元帥石末公憐其

無依復令歸觀就養

白鶴棲青松願與人世違松高風露寒卻向人間飛江湖無
稻梁歲莫將疇依稀首浮丘公涕淚灑毛衣浮丘憐老鶴解
悟既往非浴以丹池泉照以若木暉翛然骨髓清還向青松
歸松葉烟茸茸松華霧菲菲可棲復可食其樂天下稀如何
從鴈鷺喋呷圖身肥

偶興

勞人怨長途壯士悲老別那將望鄉心對此傷神月淒涼寒
風至惆悵芳草歇瑤琴無子期絲弦爲君絕

雜感

畸窮傷往事晚莫悔前非流光不相待逝川那可追佳期隔
河漢日夕千里思鴻鴈西北來安能從之飛佇立望明月天
霜夜沾衣

黃慎之自閩見訪夜坐對酌悵然有感

故人一爲別七見秋夕月今日見故人故人鬚髮新世情如
鬚髮故人當識察車輪東北馳車轂終不移

倦暑伏管蒯白汗如流瀉開門見故人謂是天下下新人各
自媚故人何爲者斧斤入山林松柏化灰炮寄語風胡子莫
怪金躍冶

煌煌華燭輝扇扇飛蛾翼義和倚扶桑恨無夸父力大鵬雖

詩意集
有能萬里亦一息可憐千斤牛坐受鼯鼠食

故人髮猶黑故人心尚赤人生一世間幾見駒過隙南山有
喬松翠鵲開顏色般倅不收鋒野火恣焚炙枝枯幹亦折雪
霰交灑浙中心有流液入地化爲石遺之五百年猶堪補青

天

鄭同夫餞別圖詩

江上潮始白林端霞半紫微風颺歸帆紅葉駭行子芳醪恥
金樽清歌猶在耳馬鳴不見人愁來若流水

旅興五十首

初秋積雨過衆綠光如濡莎雞啼高樹蟋蟀鳴堦除時物已

改故芳年從此徂榮名非我願守分敢求餘登樓眺遠郊肆
日望天衢明月出雲中照我華髮疎還歸掩關臥夢到園田

君

憶年二三十笑人不能勤誦書歟萬言落筆飛烟雲有朋自
遠來講論窮朝廩一藝恥不知高蹈躡前衢寧知有衰老耳
聾目如熏身世且未保况敢言功勳

老不與懶期身老懶自至懶不與傲期力憊難強事茫茫視
天宇忽忽心如醉勞生諒何庸顧爲形所累弱水隔蓬萊安
得生兩翅

秋風肅萬物百蟲競號鳴蟋蟀最可憐切切悲其生屣屣步

除素月圓且明翫之不可掇渺焉忽西傾回身掩房闔愴况
煩慮盈太息以終宵展轉難為情

微福非所希避禍敢不慎富貴實禍樞寡欲自鮮吝疏食可
以飽肥甘乃鋒刃探珠入龍堂生死在一瞬何如坐蓬華默
默觀大運

紫燕來我簷營巢養其雛拾蟲撲我衣銜泥汚我書雛成復
生子風雨同安居一旦捨我去瞻之起長吁死別不可追生
別那可思悼往恨節促待來恚時遲

人生百歲間若樂相牽攀念生復念死何時一闢顏登高望
八荒目睠飛鳥還有願不克遂淚下空潸潸

秋氣雖可悲秋色亦可悅寥寥天宇曠皎皎縣象晰
葉紅龍臥江潭潔彼美黃金花含英耀窮節佳人不可期
月圓復缺空庭夕陰盡露草白如雪佇立望四方彌使憂念
結

窮巷僻人跡開門見青山青山似故鄉客子何當還
聽蛸目夜鳴綠樹亦已殷白日駛西征浮雲不可攀
安得生羽翼奮飛出玄圃

雨來羣山暗雨過羣山明山明後鳥喜山暗後鳥驚
歲暮陰風起白日西南傾寒蟬枝上號夏蟲草間鳴
人生非草木能無感中情

赤霞變玄雲風起烟霧塞颼颼木葉響噓噓原野黑青泥沒
委巷闢塞生咫尺水深蛟龍恣山濕鳥獸寂甯滯荷戈人艱
難去鄉客翹首望太陽憂思萃朝夕

望舒乘罕車潛輪躍重淵二儀烟霧交九澤風雲連丘陵冒
漢潦溝澮成通川鶴鶴失其巢窮猿鳴可憐蛙黽一何樂喧
呼聒宵眠

西岑掛朝隄東嶺垂日脚嗾嗾垤鶴鳴矯矯淵輪躍淒風拂
奇樹密雨騎林薄煌煌籬下花粲粲黃金萼含英不自衛守
分甘寂寞願持獻美人恐貽觀者愕

秋景無還暉霜露淒已繁松栢坐榴豔桃李更何言旦夕悲
風起黃沙蔽平原萬物盡凋落芳華誰獨存我願化爲鶴不
願化爲猿鶴鳴聲聞天猿鳴烟雨昏空林夜寥寂躑躅傷精
魂

西風吹碩果草茅思索絢撼撼卉木零唧唧寒蟲號百川日
夜流泰山何其高沉浮自有定汲汲無乃勞

久雨得晚霽豁然如醉醒幽花銜餘紅遠峰出孤青獨坐無
與娛蜻蛚吟空庭良辰能幾何逝者忽如傾獻歌欲自慰歌
竟還傷情

微風振簷鐸玲如環珮響登高看秋色俯見明月上木落天
地寬雲散川原廣來者不可期逝者日已往離居豈無懷惻

愴縈遠想

日暮登高臺流目吟雲間雲間有明月窈窕芙蓉顏光輝被
四表萬古一往還惜無騰化術仰之不能攀

江上秋風急天寒鴈南歸客子賸長途中心一何悲顧瞻望

四方有懷當告誰霜露日夜零百卉厭其枝衰謝不待期榮
盛安可追太息復太息愴悵涕沾衣

薄雲歛微雨返照涵空州黃葵間紅蓼爛若濯錦鮮老病若
無歡坐為憂所纏自恨非松喬不能還少年援琴寫此曲曲
盡心茫然

少別無慘容老別有苦心筋力已非故憂思諒難任春風吹

郊原雜英滿園林物生無巨細各以類相尋含情曷能忘矧
乃衆病侵勿言愁可量滄溟未為深

翔鷗搏扶搖九萬一奮翅驪騶驟康莊瞬息千里至谷罅穴

坎嘗搗鶴集蓬蔚偏仄豈不憐飲啄亦何忌夸父空有勇精
衛良無智翼折海未禘身債杖徒棄何如抱區區保已遺世

事

龜鳥美安巢風林無靜柯路長羽翼短日暮當如何登高望

四方但見山與河寧知天上雨去為滄海波慷慨對長風坐

感玄髮瞻弱水不可航曾城岌嵯峩凄涼華表鶴太息成悲

歌

誠意伯文集
病身如朽木，糟蟻羣萃之生意已無多。雨露空相滋，晨興步
庭除。足弱幾不持，論年未應爾。胡爲遽如斯，大塊播萬形。一
軀非我私，暫假終必還。但有速與遲，居易以俟命。聖言豈吾
欺。

上古人一心，生榮死同哀。末世自爲心，骨肉多嫌猜。沉沉十
日雨，漫漫百畝苔。苔深車輪沒，平路生蒿萊。嗚呼張仲蔚，衡
門何由開。

疎慵厭人事，疲病畏交游。得閑願已愜，敢有分外求。開門對
鍾山，山翠盈我眸。日中市聲遠，草綠空庭幽。登臨觀萬象，玄
理足可搜。誰能走逐逐，自使生悔尤。

別離多苦懷，三年當百載。來者非所知，往者今安在。浮雲且
夕起，白日埋光彩。天地亦有形，豈能長不改。去去東園公，紫
芝猶可采。

晨興梳短髮，庭樹生秋風。萬物有容色，與故各不同。瓊實屬
老成，天柔怨童蒙。英英黃金花，旒旒清露叢。歲暮等淪落，何
異蒿與蓬。

庭前草華發，夜涼螢火流。有懷不能寐，起望女與牛。那無一
葦航，繁念空悠悠。淚如霄露零，散漫不可收。

四月陽用事，羣物咸長榮。靡草雖就死，王瓜亦復生。死生誰
所致，時至莫能爭。達人洞神理，守分絕外營。修身俟天命，萬

古今其名

仲仲坐虛室曖曖日向暮空烟歛曾岑曠色半高樹緬邈起
遐思逍遙散輕步嬋娟天上月的曠草開露物情豈異昔人
事殊非故芳歲不可淹衰年况多慮諒無彭鏗術頽齡那能

駐

天天芙蓉花向晚猶媚嬾媚明月輝粲粲當庭戶寒衾耿
長夜夢寐空自語勞生邁六極老病在羈旅將思訴穹玄恨
無搏風羽

大火沒西南晝短宵已長志士鬱慷慨老年怨淒涼蕭蕭草
蟲鳴蕭蕭蒼隼揚物情各有定人意若不常踟步陟崇丘流
目聊康莊寧爲欵段駑勿作騏驎良欵段駕鼓車道里有限
量騏驎被重甲力盡百戰場死骨賣千金雖貴亦何償

人生如浮雲聚散無定期驚風一飄蕩各自東西之粲粲陵
茗花淒淒寒露時浮雲不可駐顧盼空齋咨

青青瀟湘竹猗猗被寒水遊子如飛蓬佳人曠千里登高左
右望但見黃塵起鳳凰翔不下梧桐化爲枳傷懷不可道憂
念何時已

吾觀穹壤間萬變皆有窮何如順天道原始以知終清晨攬
衣起絺綌生秋風離離鳴鴈來灼灼酸棗紅悵焉念所思悲
感集子衷佳期在何許瑤草成枯蓬佇立望日月勞心極懣

懣

少年不信老怪聞老人言忽忽老到眼卻憶少年憇逝川莫
回流烏兔日夜奔憂思集方寸鬱氣如雲屯試爲少年道聽
之亦茫然顧謂少年子聆我爾汝篇爾未及我耄我曾猶爾
妍勸爾無我厭勿令人爾憐

今日復明日明日能幾何壯心蕭索盡思念恒苦多引領望
故鄉川路猶且長巢燕已北飛賓鴻亦南翔我獨無羽翼慷
慨中自傷

烏鳴朝啞啞鵲鳴暮啾啾聞鵲既不喜聞烏復何憂世人務
苟得君子絕外求滄浪迅風波無風卽安流胡爲自冰炭以
貽達者羞

嚴風萃羣有蠅蚊亦無多所憎雖去眼若此歲晏何中夜攬
衣裳起視星與河出雲未還山落葉早辭柯沉思不成寐大
息繼以歌

寒燈耿幽幕蟲鳴清夜闌起行望清天明月在雲端美人隔
千里山河杳漫漫玄雲翳崇岡白露荆芳蘭願以綠綺琴寫
作行路難憂來無和聲絃絕空長歎

秋山青如烟秋月白如水登高俯空曠咫尺見千里悠悠孤
雲行嫋嫋涼風起涼風吹客衣客心隨風飛願作滄海潮朝
來莫還歸

泊舟嚴子瀨遙望仙華山中有騎羊人皓齒頰玉顏餐霞飲
沆瀣坐石濯潺湲長嘯起天風落日爲之還悠悠隔雲兩杏
杏不可扳

日落天氣涼迢迢步庭堦蟋蟀已在宇鴻鴈來何遲少壯輕
遠遊衰老傷別離念我親與友各在天一涯音容兩契闊悲
歡絕相知鐵羽懷舊林葺鱗思故池百年能幾何逝者无還
期俛仰增感歎有懷當語誰殷勤託宵夢聊用慰所思

久旱草不生一雨青滿地新萹與舊枿好醜各自媚啮啮黃
鶯吟習習玄鳥至閑庭人跡稀白日淡清氣平生孟公綽庶
足無妄覲但願長若斯撥置身外事

江城夜來雨雷音亦何評今晨視郊原草木皆發榮雙雙布
穀兒來我牆上鳴園蔬猶可藝無忘及時耕倦翻得安巢感
荷天地生

浮雲西北起飛雨東南去微微若輕烟靄靄如薄霧臥疾少
出門不知春已暮芳年復幾何冉冉征鳥度花落有再開水
流無回注坐念入杳冥明月在高樹

秋高潦水涸旻天亦凄清枯籜響悲音羈蟲振餘聲曠曠落
日暉慘慘遊子情風林無定枝馳車鮮安旌自愧匪賢達默
默嗟其生

山鬼處幽壑自分不見天寧知無私照及此暗井泉倦鳥思

故林窮魚思故淵感荷實難忘庶其保終年

緞羽畏高風疲馬厭長道玄陰促暮節何物能不老自非松
栢質敢冀出衆草登山臨流水及此晴日好春芳藹蘭蕙秋
實粟稅稻黃糝肥可食石泉清可澡榮名何足言息心以爲
寶

感春六首

種桃望食實種柳期成陰春風應時至雜英滿園林黃鳥多
嘉聲鳴鳩亦好音勿言荏苒質不如松與檟託根信永固豈
乏歲寒心

孤坐不自適興言出行游凱風吹衣袂白日光悠悠來牟秀
彌野荷芰葉已抽行游豈不好顧盼無與儔回身掩門坐隱
几聞鳴鳩

日暮東風起滄江水微波水深不可涉路遠將奈何靡蕪葉
已齊故鄉隔山河盛年難再得芳意其蹉跎

朝采山上蕨暮采澗底薇雖無梁肉味聊可以御飢羔羊薦
美酒飽食同豢犧玄廬苟未閉彼此誰是非

春風旣和柔春日更皎潔天桃紅如錦繁李白勝雪黃蜂與
紫蝶亦各競時節人生有憂樂譬彼天上月願言良其背無
使心自熱

人生多憂患死去百患消但恨不使得無由脫蟻鑪浮榮衆

所貴何異掠草蝨一生與一死一夕復一朝周器忌盈滿老子戒矜驕園林無恒芳江海有回潮委心從大化庶幾永逍遙

遠遊篇

三山六裔背翠水扶桑東雞鳴上海日海面玻璃紅仙人騎鸞鳳呼我游雲中雲中有金闕謂是天帝宮明星列兩藩琪樹光玲瓏太一坐端門白髮暎青瞳授我玉篆文赤蛇蟠九虹出入元化先壽命齊老童因逢青鳥使遂造東王公素女如蓮華歌喉絃管同顧盼動環珮振迅若輕鴻化爲五色光倏然隨長風

秋夜聽冷協律彈琴分韻得夜字

秋清衆籟寂華月耿遙夜玉琴奏瑤席逸響發高樹微微風入林稍稍泉出罅闕闕黃鳥春嘒嘒玄蟬夏幽憂北鄆語赫怒西楚咤初疑廣寒府和鑿起仙駕忽驚龍騰霄雷電劈太華凄涼漢宮女萬里異國嫁逍遙商山老芝歌意閑暇斯須變暄涼耍妙奪造化終焉返淳朴瑚璉在纒藉鄭衛失其搖儀秦失其詐虎狼失其攫烏鳶失其嚇大音信希聲餘美甘如蔗持此滌塵心永與箏笛謝

雜詩七首

趙女工妙舞秦娥善清聲同入楚王宮各擅傾城名宵陪綺

席宴夙侍金輿行常恐他人至得寵分恩榮涕泣奉顏色冶
態隨風生願爲松栢枝莫作日夕英開花不結實坐傷秋露
零

白露出草根顆顆如明珠黃華炫金錢亦復盈堦除閑居無
尤物翫之聊可娛衡門不必扃此非衆所須但恐成蕙苴千
載令人吁

服力狗穡事矻矻望有秋凌晨荷鋤出日入且未休中夜看
星辰早潦切所憂西成告豐歲珠璣滿田疇飽食幸可期喜
色欲盈眸寧知霜雪早零落不得收荒畦委滯穗權籬掛空
箒斜陽照白髮短褐還飯牛天命固如此汲汲復何求

東海田黃令驪山客想望

萬物一物界一性遂令蓋壤間擾擾事爭競喧呶日夕豈

不恩天聽化工雖云巧爲法祇自病沉思令人嗟欲問

蒼蒼山上松濯濯庭前柳亭亭拂雲起矯矯合

如玉曠世難爲偶長歌繼以歎去鳥盡同

爲蟲餘世棄置勿復道華容

誠意伯文集 卷之十三

連成非良器驟得難久好桃李春亦後逆秋楊英
朝日未夕委蔓草飢農種植不自慶得食早歲暮寒
門淨如掃瀛洲對石鏡湖水為池照不有工
棗徐市駕樓船輕帆迅如鳥仙人健可見常恐三光老寄書
附文鱗碧雲空縹緲

旅夜四首

月光天上來入戶清如水游子忽思家披衣中夜起徙倚步
回廊烏啼夜未央欲飛無羽翼零淚濕衣裳
昨夜起觀星月在揚枝上今宵不見月星影空搖漾羽蟲飛
拂戶燈吐孤火壯佇立掩衡門愁來獨惆悵

客愁常突兀今夜燈花庄雖知無喜報愁亦暫時平解襟成
獨寢畱燈待天明喜固不可求客心恒畏愁

六街馬憧憧鍾響聲暫歇兩星光灼爍中有如眉月既見月
如眉還看月如鏡月光自有恒人心長不定

遣興

春至日色好白水生青烟江梅已堪折園柳亦可憐鳥鳴山
芳菲魚躍波漪漣人生覆載間與物共推遷守分絕外求何
者為憂煎但願有酒飲無事驚晝眠卽此是至樂安用松喬
年

送葉景龍之通州同知任分韻得黠字

泛泛水上漚飄飄空中雲俱為無根蒂搖漾隨網縑北風厲
玄冥霜雪下紛紛送子陟長道薦聲不可聞盛年復幾何逝
川去云云朔方沙漠地雜沓駝馬羣居庸接太行華貊所由
分陰山茹毛國未嘗識耕耘自古所攘斥比之鹿與麀汴京
失其馭冠裳倒玄纁否極泰則來天生 聖明君揚旌指大
荒旄頭落胡氛玉帳萬貔虎爪牙天將軍子行勿勤勞襲芳
衣必薰 君恩重山岳矧敢負以蚊丈夫有壯志長問武與
文不見傅介子盛烈光典墳奉子一盃酒別離安足云時哉
諒有會勉旃樹功勳

懷空

送張孟兼之山西按察司僉事任

平明集冠蓋祖帳清江濱天縣赫曦日山湧雀鬼雲大舶登
中流碧水龍鱗紋宿雨霽初伏川原無垢氛修楊蒨深綠禾
黍氣如饋蘆荻響微風鶴鶴鳴相聞市酒雖云薄情至心自
醺贈詩雖不多芳意同蘭薰丈夫樹遠業兒女徒紛紛農夫
務去草梯稗職所耘蒼鷹司鷲擊梟鷲慎其分利劍斷犀兕
不數雀與鷁籌邊有廟筭樽俎茂奇勳巍巍太行山蒼翠淨
細縑萬古戒華戎峻極通天文老巖當道臥氣誓狼虎羣引
領望征旆迢迢隔河汾營平曜前烈定遠揚後芬制勝在兩
楹豈必疲三軍功成早歸來華袞昭玄纁

送胡庄之定遠教諭任

爲陶中立叅政作

青陽獻嘉歲萬物生華姿柔柔莢綠英新柳楊黃梨祖帳送
行人大舶艤江湄管絃發清音甘醴溢瓊卮歡情旣已暢繼
卷申以詩丈夫生世間出身事明時有材必有用譬彼桐與
椅繩之朱絲絃彈以格神祇一奏獸率舞再奏鳳來儀校官
職敷教位小任匪卑棟梁自勾芒翀霄起陂池仕學猶兩趨
對舉不可遺努力慎保愛勲名以爲期

送駱起原之新城知縣任

憶在越王城與子共翱翔子實才俊士舉止安且詳溫如春
雪消日照璆琳琅一別二十年塵沙翳玄黃淒風拉榕桐霜
露摧篔簹浮雲變白黑各在天一方邂逅忽相逢悲喜交肺
腸故情豈不懷王事不敢違倏歛復爲別安得不慨慷西江
富文彥其俗淳以良念我別來久愴恨增感傷英英江梅花
皎皎晞晴陽折以贈子行侑之以短章萱草亦已生鶴髮在
高堂征鴻漸于遠擢翻陵八荒行將儀大廷鵷鳳參頤頤陟
遐必自邇永矢莫相忘

連江陳子晟師古齊詩二首

祥麟蹈魯藪王道遂湮淪秦坑扇灰炮六籍失其真茫茫穹
壤間談舌紛輪囷鴟鴞指爲鸞杞梓斯爲薪所以尚志士懷
慨思古人造行擬淵騫吐辭追孟荀不羨季氏富而甘原憲

貧不榮桃李容而效西施鬢臨川翫清瀾味道劇淳珍誰云
泰岱高布武期必臻誰謂江漢永利涉由通津有爲亦若是
此語非徒申衛武陳抑戒睿聖垂芳名呂公著丹書君臣同
顯榮伯玉願寡過使者知其情柳惠志直道身置德乃盈古
人如良金百煉彌剛貞悠悠萬載下日月同昭明聖人有遺
訓可畏在後生服膺慎勿替竊比於老彭

西風振枯柯涼月澹光景門前馬蹄歇室虛心獨靜焚香對
六籍香味知雋永懷人若在人眼酌滌何必洞尼父訓九思子
輿明三省康莊無他岐車馬日馳騁捷徑善推輪此意當鑒
領

題李太白觀瀑圖

憶昔李謫仙泛舟彭湖東遂登廬山頂直上香爐峰遙望瀑
布水自天垂白虹大聲回九地浮光散虛空萬木震辟易千
崖殷鍾鏞清涼入肌骨如歸廣寒宮賦詩畱人聞至今響風
颯丹靑極摹寫欲代玄造功逸駕不可追舉頭睇飛鴻倚歌
無人和引袖乘長風

劉宗文茱萸遺典

歲暮寒氣冽今晨頗和緩登高眺原陸陡覺生意滿日色照
地黃牆影看漸短草抽識土膏魚出知泉暖吾生亦天物安
得不樂術且復顛其蔬獨酌慰衰晚

新春

昨夜東風來吹我庭前柳柳芽黃未全草根青已有鶉鳩屋
上鳴勸我嘗春酒我髮日已白我顏日已醜開樽聊怡情誰
能計身後

送醫戴原禮歸金華

茗岩金華山上屬匏瓜星紆餘帶江海竊窺儲仙靈陰谷泉
夏列陽崖草冬榮帝女降清夜龍鸞夾雲輶旭昇五色光天
葩播芳馨初平剽元氣騎羊遊玉京宗公秉節鉞稜威愜邊
庭呂子傳聖學出辭樊六經陳生挾英才雄辯摧五兵至今
文彥士綿綿若連城子兮抱奇術爲人駭危齡運鍼號二豎
炎齊泣三彭歲晚趣歸裝日照千山明澗阿多石芝玉色味
如錫可以實飢腸化骨爲瑤瓊或可分餉否和從翔紫清

怨詩

植原沉汨羅不忍棄其宗萇弘志存周寧爲一己容申生顧
父愛殺身以爲恭子車守明信殉死安所從之人豈不賢探
道猶過中下和獨奚爲抱玉售馨甞則足實自取怨泣情何
鍾文狸處幽林無人識其蹤誰令貪雞鷲以觸弋與量糜身
獻厥皮爲人作妍容娟娟芳蘭花託根千仞峰下有孤飛泉
上有灌木叢歲晏不改色霜清香更濃韜光遠人禍委命安
天窮道得復何怨老子其猶龍

秋懷八首

東風吹晨霞初日垂白足濕州屯簷棟飛雨鳴樸楸厭厭葉
就黃萋萋草還綠索居謝喧囂庭絕車馬躅念來多所懷追
往不可復嬾隨老共至病與年相促省躬慚寡尤守分無望
福駕駢立皂纒敢慕騏驎逐

秋熱喜稍退秋雨又成霖涓涓屋溜瀉汨汨街泥深清寒中
筋骨濕氣薄衣襟晤言靡與同孤坐難爲心俯視青苔積仰
睇玄雲陰弱質昧聞道乃爲憂所侵冥冥至終夕悄悄成孤
吟

空堦走穴蟻蒸垤喚與鶴陰氛方騰達密雨已彌漫沉沈翳
光景昧昧感昏旦林鴉巖林飛簷雀饑相喚跬步隔關河四
望空慨歎悽悽衣裳單戚戚歲年晏微生如石火徒勞暫時
煥永寤嚙柯人萬事一夢幻

清晨啓扉坐微風動游龍離離墻上花切切砌下蛩嚶嚶自
成音灼灼各有容四序迭推移衰病情所鍾身羸足已弱有
願不得從愧負天地生愴悵填心胃

蟋蟀已在手鴈鴈方來賓天秋風露寒陰谷何時春欲爲商
聲歌恐驚梁上塵衙門掩仲尉庶用存吾真

飽食無一事一日復一夕倚門望圓穹白雲在空碧來鴻與
去燕歲晚各有適英英黃金花粲粲好顏色采擷貴及時霜

露已盈積掩門還獨坐
浩然懷往昔惟有故鄉夢
可以慰岑寂

兩息殘暑退涼氣何凄而
羈人倦遙夜月光在帷
展轉不成寐披衣步前墀
春芳不再穠夕露空華滋
泯默對青燈悵焉心自思

薄雲散高風天色青如染
盈庭露輝輝當憇星燄燄
寒來愛蘭缸暑往卻筠簟
憂思浩無際起坐數更點
晦明相代謝避盈乃無歎
未嘗陟孟門誰識行路險
賈害豈無因戒之在懷
琰真豫何可長用之以自檢

太師誠意伯劉文成公集卷之十三終

太師誠意伯劉文成公集卷之十四

芝田令新陽後學萬

里續梓

齊孫標男宗燁編

七言古詩

為祝彥中題山水圖

高軒玲瓏不受暑半幅輕綃宿烟雨
白屋素壁生空明似聞水聲繞庭宇
松髯拂天藤蔓垂枯根瘦石相因
依寒濤不驚虎兇臥嵐翠欲與蛟虬
飛空江悠悠一漁艇渚白沙明萬魚
靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌
壁間擘出黃河流大禹

以之分九州河流袞袞赴漠漲華嶽拔出天河上雲宮霧窟
疑本無石室金臺儼相向玉泉高通玉井澤中有蓮實如車
輪世人肉食未羽化可望不得聊相親高堂晚晴圖画展眼
明一見心自遠世間塵土今紛紛吾當拂衣臥山雲

永康胡元鼎白雲樓

少年辭家往京國蓬根一斷無消息有時長想白雲飛江海
茫茫淚霑臆歸來拜母悲且喜悔作他鄉遠遊子卻起高樓
對白雲綵服翩翩足甘旨昔時望雲煎白慮今日看雲美無
度卻憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀能使
元氣回遊魂篋中汞芽抽粟粒丹光照耀三彭泣銜珠不受
修蛇報采藥常令白猿拾結廬幾歲吳山阿赤松立俗時相
過更向蓬萊下神水併與人世清煩瘳

中峰永先和尚醉墨圖

老先行脚遍天下五湖七澤胃中吞淋漓醉墨落人世恍惚
目擊瀟湘存蒼梧飛龍去不還洞庭赤沙流水渾九疑竹枝
餘淚痕澧蘭沅芷化蕭艾古木雨炫寒烟昏雲帆縹緲向何
處波浪頽洞驕魚龍我生胡爲羈旅間感時覩物生愁怨還
君此画歌一曲悲風慘淡來崑崙

夜聽張道士彈琴

道士字君度

白澗含光月照席梅花入簷珠的皪葢宮道士彈七弦明星
在樹霜滿天銷如暗泉發幽竇悄若空山叫哀狖霧雨寒吹
松栢響波濤怒激蛟龍鬪神奔鬼怪入杳冥鸞孤鶴寡風冷
冷湘娥宵攀竹枝泣紫鳳曉啄梧桐鳴悽悽欲斷還復續啼
罵一聲春草綠春然清商行素秋落葉灑地蟲啾啾擁衾聽
之消百慮夢逐行雲白來去九疑連天洞庭遠海闊烟深不
知處葢宮道士聽我語世無子期誰識女桑間濮上方施行
白雪陽春棄如土

辛卯仲冬雨中作二首

江城積陰愁玄冬千家萬家雲水中烏啼黃昏鴈叫夜鼓角
慘澹愁悲風青燈無光掩關坐飢鼠相銜啼過我讀罷殘書
有所思凍雨霏霏淚交墮

歲云暮矣風蕭蕭木葉脫落惟空條雲濃雨細白日短慘慘
不辨昏與朝雨中行人足斛觥去與公家製戎服中原豺虎
正橫戈天寒風急奈爾何

悲杭城

觀音渡頭天狗落北關門外塵沙惡健兒披髮走如風女哭
男啼撼城郭憶昔江南十五州錢塘富庶稱第一高門畫戟
擁雄藩豔舞清歌樂終日割狸進酒皆俊郎呵叱閑人氣驕

逸一朝奔迸各西東玉笋金杯散蓬華清都太微天聽高虎
畧龍韜緘石室長夜風吹血腥入吳山浙河慘蕭瑟城上陣
雲凝不飛獨客無聲淚交溢

夏夜台州城中作

江上火雲蒸熱風欲雨不雨天曹曹良田半作龜兆拆秔稻
日夕成蒿蓬去年海賊殺元帥黎民星散劫火紅耕牛剝皮
作戰具鋤犁化盡刃劍鋒農夫有田不得種白日慘淡蘅茅
空將軍虎毛深玉帳野哭不入轅門中健兒鬪死烏自食何
人幕下矜奇功今年大軍蕩淮甸分命上宰麾元戎舞干再
見有苗格山川鬼神當効忠胡爲旱魃還肆虐坐令毒沴傷

和冲傳聞逆黨尚攻剽所過丘壠皆成童關司恐畏破和議
斥堠悉罷雲邊烽殺降共說有大禁無人更敢彎弧弓山中
悲啼海中笑蜃氣繞日生長虹古時東海辟孝婦草木枯瘁
連三冬六月降霜良有以天公未必長瘠饑只今幅員廣無
外東至日出西太蒙一民一物吾肺腑仁者自是哀鰥恫養
梟殪鳳天所厭誰能抗疏回宸衷夜涼木末掛河漢海嶠月
出先玲瓏仰視皇天轉北斗嗚呼愁歎何時終

老病歎

我身衰朽百病加年未六十眼已花筋牽肉顫骨髓塌膚腠
剝錯瘡與癩人皆愛我饋我藥誓止信宿還萌芽肺肝上氣

右潮湧舊劑再歎猶淋沙有眼不視非我目有齒不齧非我
才三黃苦心徒自療五毒澆胃空矛戈因思造物生我日修
短已定無外差玷瓊不能使之少盧秦焉能使之加攻犀豔
朽各有分鳧悲鶴悼何繆耶不如閉戶謝客去有酒且飲辭
韻謹

題松下道士携琴圖

道士抱琴松下行松風入耳清涼生石梁苔滑不可上潭水
泠泠學琴響琴有意兮水無心水中有龍能聽琴琴聲淒斷
水流咽月滿空山落松雪

錢王箭頭篇

鳴夷遺魂拘餘怒欲取吳山入江去雷霆劈地水羣飛海門
扶胥沒氛霧英雄一怒天可回肯使赤子隨鯨鮪指揮五丁
發神弩鬼物辟易腥風開三百年來人事改濤落沙平箭空
在石梁飲羽未足誇蜀國三犀漫欺紿近聞黃河水亂流青
徐一半悲魚頭安得壯士斡地軸爲拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖怪從何來悄悄
初驚天眼眈兒童走報開戶看城角呀鳴聲未卒蟾逃兔遁
漠無蹤壁隕珠沉一何疾丈夫愕視隘街巷婦女喧呼動圭
筆輝輝稍辨河漢沫耿耿漸明荒冢漆百官抱笏羣吏趨伐

鼓撞鉦仍設鞀赤水難令罔象求澠池莫效相如叱升簷變
閣到空曠盪掩氛被殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟辨號喝死龍甲炊
赤爍當衢掛萍實光芒照灼玄武爛誰復瑣瑣憐蚌鷸今夜
愚作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鑽荒郊廢市何所
見夔罔蛟蛇兼蚤蠹此皆在地不在天未若蝦蟇狡而獮黃
文結鄰上訴帝賜以小戎驟壯隲剖墓洗魄還月光再起咎
訟明典秩返蟾歸兔復織阿萬古游塵避清蹕

再用前韻

虞淵浴衛納歸日金樞吐月相承出初離積水看若飛稍映
微雲盼猶朕是時薦收肇視政莎雞振羽鳴蜩卒姮娥靚粧
覲玉帝坎軻中途嬰禍疾旅人苦熱愛清涼快觀光輝滿蓬
華願開寶鑑照覆盆豈擬漳塵昏點漆隋珠慙固重革櫃和
璧嗟蒙韎韞哭豈樹折不自謀織阿馬弱無人叱三足蟾
驚入坎窪八竅兔走罹且畢圍灰破暈謾傳方唇玉補凹空
著術雷公駭懼罷靈鼓湘女幽憂舍鳴瑟故老謂是蝦蟇精
潛伏姦妖管口實羲和尸位罔聞知可以人而不如鷓往歲
威弧弛其殼蛇豕陸梁誰復詰高牙大纛擁藩垣腸斷吞聲
受陵軼江淮洶湧浙沸骸骨成山連鬼鑽萬姓喁喁釜裏

魚白官蠶蠹禪中蠹黃茅白葦棄賢良赤紱立裳寵獬獬吳
等不變盍警畏惟德動天天有騰况今旱魃又爲厲東作西
成不平秩安得緘辭伏閭闔 聖主如聞應駐蹕

聽蛙

繞舍荒池底且齧蟄蛙齊候鳴雷社已知地氣上如炊更覺
石泉流若瀉舉頭玉燭煥陽明渴足汗泥悲土直半夜條風
入綺牕清晨細雨霏簷瓦梁間紫燕舞參差枝上黃鸝語悲
姦播形肖貌均有生感氣傷情孰瘖瘖初聆衙衙雜更鼓漸
聽嘈嘈成侈侈猶持堅白較同異似坐狙丘談稷下村童叫
噪聾學究悍婦勃礪喧姊姐西域胡僧彈般若齊東老生於
屐鞞逸帆觸岸靡蒹葭醉客罵筵投盞竿啣咬誰辨蹀兒哇
競若乍聞竇叟嘲怒牙嚼齧倖羅吞寤言詰屈驚宜樹徒夸
楚使能詈齊未讓秦巫上詛芋堯離僂佻紛覩縷帝樂虛張
洞庭野虞夔奚暇調笙磬周瞽曷由分鄭雅旅人懷憂實無
寐遭此強聒胡爲者得非作姦謀蝕月無奈聚訟騰謔謾昔
聞周公立典教蠹氏專司鞠灰灑常疑聖人茂育物獨向微
蟲少寬假乃今知其非瑣屑欲問官司乞餘炷鳳凰鸞鶯聲
苦希白雪陽春和偏寡蚊蠅蚤蟲多於沙鑽嘔暗鳴紛醜覩
蝦蟇幸不合毒螫何苦呶號爭跑跣烏鳶逐響蛇聽音寧顧
入腹生癥瘕賦詩卻笑柳柳州忍使腥臊辱菹藜

贈道士蔣玉壺長歌

先生清如玉壺冰神閑志一精粹凝玄黃健順六子承和氣
塊瓦龕穢澄冲虛澹澹廓以弘冥茫沕穆怙無能火鳥入海
陰液升鴉蛇受約不敢騰束縛龍虎如寒蠅虛無黃帝所
憑四方上下齊鉤繩北幽羅鄩對朱陵女夷鼓歌王母應瓊
宮夜半張華燈金葩碧葉紅凝甕素霞鬱滃玄雲烝沆漉狀
滄淪泉與牽牛織女來相仍用之不減亦不增地官錫福天
官徵老蚌逆殼驪珠升太一象與驂八鵬翼以六蜺前五騰
風輪蕭蕭生夏凌參旗九旂葭絃滕二八青蛾美目矚翠絳
交翟翔獮豸屬車九九如連繩最後雷輶子所乘流蕪勃窣

垂鏤磨編欄駁馬驕駘贈蹴霞踏霧碎綺綾天津閣道轡輶
轆歸來瑤臺十二層月光照耀玻璃棚下視瀛海波濤詠龍
宮蜃窟寒兢兢歸塘暘谷清可憑鱗甲鏡瑩鱗與鮫湘妃鼓
瑟冰絲繩擬金戛玉萬穴灑琅玕風吹殷峻嶒琉璃雲母龜
貝朋琳房璧甃理階陞素鸞振迅霜女扔璇題瑣牖肅藹藹
洞晃矐明眩遙瞪瘁肌砭髓魂欲死忽然浮空墮杳曹飈馳
電耀羽脫肱天衢阻遐世網層昏昏日月敲炎蒸句曲之山
率礪礪楓杉檜栢楮桂仍薔蘭杜若蕙芭萃綠岡被頰髯磗
滕大地浪井瀑練蒲萍瀨繡繪芙蓉淩鼉乳蚘蚪千年藤纏
絡薜荔懸鬚鬚敷芳發馥菲芬芳衡徇徇雌鵲蒼鷹攀援歛

詩意何文集
碧巖崢嶸寒蟿蟪蛄蟬犯蟪嵐餐雷飲喧岷先生皮冠衣
絳繡桃枝七尺穿虺騰三茅真君共嗟稱星根絕頂時同登
黃斑黑虎陟降凭石鱗甘漿溢若灑神芝吐談如賃簞食時
動機保不薨驅斥珞瓚除痕癥眸光照座生紫稜舉觴引滿
鯨喉渠解后見之喜莫勝揚眉抵掌開蒙顛人生嘉會安得
恒靖恭正直天所初作詩持贈匪妄謔

古歌三首

紅葵高花高以妍清晨方開夕就焉美人迢迢隔山水可望
不見心茫然花開花落日復夜惟覺新年非故年人生百歲
花一度何不作樂令人憐

舊花欲落新花好新人少年舊人老佳人見此心相憐舉觴
勸我學神仙我聞神仙亦有死但我與子不見耳祇言老彭
壽最多八百歲後還如何

雙燕雙飛入我堂銜泥養雛何太忙養得雛成却飛去雙燕
雙飛復如故東園桃李春萋萋日華烘露生紫霓一朝實熟
付人採葉枯枝折空成蹊

道士周玄初鶴林行

鶴林道士軒轅徒以颺爲輪雷爲輿開山養鶴作騏驎上下
二儀周六虛雛成洗髓扶桑窟縞練羽毛鏤鐵骨聲飄碧落
玉清揚影拂太微雲滅沒永夜月明風滿林竹栢憂擊笙簫

音云是旌陽許縣令躡躡佩劍來相尋靡薜西枝搖倒景借
去林間兩丹頂伐蛟北海奠玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持令我鞭龍扶虓虎攝縛臊魃如奴虜授我堯時松子訣
轉睛出電噓成雨鍾山秀色連冶城百花繞屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窻回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公

送李叔允修撰致仕歸鈞州

憶昔西京祖二疎都門供帳羅長衢金張許史集軒蓋彈琴

鼓瑟吹笙竽頰頰鶴髮映霄漢蒼松翠栢紅珊瑚道傍觀者
皆慨歎此十足爲天下模先生胸蟠五車書雍容進退安且
徐披香朝侍紫宸案珥筆書入承明廬引經論奏動天聽

天語親授非臚句老年謝事歸里閭召見特許兒童扶臨軒
賜膳脩金幣尚食供奉黃門趨夜來微雨清郊墟細黃漚柳
鶯相呼風吹暖烟逗白日露濕芳草留驪駒雖無旨酒嘉穀
疏短歌一曲聊踟躕浮雲流水無根蒂人生何者爲驩虞嵩
高少室衆美奧素石如玉泉如酥時清四野樂耕稼雉鳴麥
秀千華敷親朋會合各慰意况有令子知勞劬揮金買酒泳
聖澤怡情之外吾何須西飛鴻鴈東飛魚相思迢迢天一隅

贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖
嚙之骨爽神魂清令我壽同金石
久我生疎懶無所能瘦皮黏骨危
峻病來啖藥猶啖水夢寐恍惚風
中燈常聞徂徠有嘉木玄醴滌濯
黃露沐上有兔絲揚翠於下有茯苓
躡白鹿阻華嶺葉嚙以津歲久定
化腸爲筋便從僂佺覲黃帝身騎
角青騏驎我欲求之百憂集滿眼
蛟蠅隨出入跋烏箭逝織阿急日
暮空瞻鄧林泣道人此酒還有方
我欲與子同徜徉世上神仙亦何
限
斷侯碎穀應未晚

枯樹圖

道傍古樹身半枯白蟻穴根蟲穴
膚風摧雨撼霜雪凍斷石
窺腕無人扶憶昔勾芒肇初政
百卉騰達隨呵噓新柯在舊
舊柯壯霧露膏沐光如濡黃鸝
翡翠語嬌滑桑扈戴勝鳴相
呼白鶴來巢鹿止蔭匠石愕
睨爭歎譽寧知憂患生旦夕
野火倏忽起不虞燎原烈焰難
嚮邇孰問柞櫟杉與楛枝燼
葉燼根半赤朽腐臚液非時須
山林搖落歲方晏聊以薜荔爲
衣袂嗚呼廣厦棟梁具委棄
草莽同新芻皇天未必替生意
更盼玉燭回腸烏

正月十五夜燈花大開作

詞意作文集
燈花如營紅且綠燈花有意憐幽獨夜寒余冷漏聲遲卧看
瓊枝綻金粟涼蟾入戶四壁空地爐宿火天無風祥烟抱日
麗碧落驪龍吐珠歎紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沽濁酒餉離魂豈必忘憂惟樹萱

爲韓克銘題画石鼎聯句圖

軒轅道士軒轅孫昔隨飛龍陟岷崙乘騎六氣遊乾坤上窮
混沌無涯門下挾若木扶桑根旋雷舞霓詭晨昏批蹴虎豹
號帝閭搥擊河鼓牛騰騫擗直織輝絢澤原三足老鳥不敢
噉迷離缺兔駭且奔羲和顛號訴至尊謫降下土營丘樊結
喉長頸古貌存如鶴如鴿如龍蛻詰屈不作人間言涕唾落
地生蘭蓀驅叱碣石歸河源蜚廉屏翳雙挾轡擊振象齒愁
奇賁山玄水蒼琬璫離羅離羅錯輝熒燉燉笙鏞琴瑟篪與塤
五音翕繹珠瀉盆吹爲栗烈呵爲暄撲扶罔象答鼉龍饒鱗
辟易徙厥屯束縛慘魍魎魂秉昇赤郭充朝餐妙用歛忽
無畱痕嗟哉二子爾曷寃如井谷剛當化鯁嚙嚙草蟲呼阜
鑿欲與螭蝮語涼溫不知風霆掣墻藩江騰海躍喬嶽翻鬼
物喘汗相濡歎爽靈漂搖失所蹲敞克夢寐精魄憊低頭拜
伏誓再論陽春二月花滿園掩關獨坐辭許墮按圖索意聊
滌煩羨君軒轅之後昆浩歌一曲期勿謏

寄贈懷涓上人

老僧懷涓字清遠，習蟠文史三千卷。雪晴太白玉爲峰，月出藍田金作嶽。少年挾策走四方，要看蓬萊水清淺。燕山帝京龍象會，璿臺寶林發關鍵。橫空鵬鶚檄高秋，縱轡驂驅逸長坂。麗眉老宿皆震驚，觀者解頤陪者赧。奎章學士虞邵菴，啣啗稱誇枯舌本。連床笑語到晨雞，走筆贈言何款惻。頭巾兩四十年萬事茫茫不堪付，江湖簸浪客舟寒。地爐宿火營房煖，我來邂逅一見之。憶曾相識嗟成誤，世士如公良所希。方外只今還有限，我如野馬貫藪澤。絡以羈馭，知必跪老來。耗毫百事違，况俾三廬宅。愁眼甚欲歸，依白蓮宇。且奈素餐非力墾，寄言聊復寫中懷。白石清泉猶未晚。

金碧山水圖

武陵桃源今有無，展畫渾如夢中見。青螺作山綃作雲，白日蒼茫暖芳甸。雄梁跨壑矯修虹，走瀑懸崖激飛電。紫鳳宵鳴梧樹枝，青雛曉啄桃花片。烏啼長是豔陽時，草色寧隨霜雪變。衣冠尚存周典則，租稅不輸秦郡縣。山中肉芝美堪食，澗底石泉清可嚙。安得此地結茅屋，寄書漫託雙飛燕。

雪晴偶興因以成篇

玄雲四垂天黯黮，大野蒼茫飛雪轡。北風刮面利如刀，海氣昏昏迷遠覽。若華東光封密霧，比屋無烟色悽慘。天姥沈陰

禹穴閉扶胥海濤渾不撼愁埋朱鳳入香冥凍縮赤蛟深坎
窘猿狖哀號咽巖谷鴻鴈驚啼亂葭莢壯士金戈鉞鏑凌將
軍玉帳旌旗黻師徒百萬盡熊羆幕下從官皆燕領馬蹄蹴
蹋坤軸震夜半入蔡何人敢蒼山野客拙且懶旅舍蕭條坐
無毯頑童汲井十指直稚子敲冰兩髦髡今朝出日照梁棟
樓外遠山皆菡萏初驚急瀉瀉源泉漸看縣漸掛旒統那無
美酒洗胃臆空有新詩吐肝膽先人敝廬松栢在墻角早梅
應可擘蝮蛇張鱗虎掉尾平地倏忽成窟掩藩閫官曹厚祿
食忍以黔黎爲醢醢天民日望天愛憐破瓦頽垣最悲憫農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心攢百感

題羣龍圖

世間萬類皆可觀茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍捷尾
欲上木足爪猶在齋坛中一龍出穴飲澗底頭上飛瀑瀉白
虹前有一龍已在雲顧視厥子揚雙瞳浪波魚鱗沓隘瀕日
車塊北天無風中庭兩龍忽相逢須眉葩鬚如老翁便欲角
觝爭雌雄西望積石接崆峒白龍肇石窺流深河伯遠遁虛
其宮屈蟠睡者何龍鍾老物用九時當終峽外六龍奪以寬
矜牙舞爪赴戰攻敲鱗嚙甲含劍鋒陷胸折尾波血紅之死

弗悟人誰恫一龍引吭將欲從迴環睢肝未敢通最後一龍
藏於控睥睨勝敗非愚蒙無乃有意收全功雲中弄珠勞爾
躬不如卧沙之從容龍子學飛力未充母在下視心憧憧何
物一角額準隆赫然出洞若蛇蠱有龍接之自龍從恐是鞏
穴王鮪公皮骨始蛻形猶蒙兩龍歸來倦不狎癡龍攀石身
已靡蚴蚪偃蹇歛騰衝蛩壇攫躍鬚髮茸哇呀奔拏曲如弓
百態並作何紛靡是耶非耶孰能窮畫師昔有僧繇工能令
真龍下虛空安得伶倫截竹筒吹之呼龍出石罅使我一見
開昏曹

爲丘彥良題牧谿和尚千鴈圖

往時惠崇画蘆鴈對之如在江湖游只今此圖又精妙中有
千里瀟湘秋乃知浮屠性多巧意匠不與凡夫儔吳松江長
具區闊天目虎丘青一髮西風九月秔稻黃朔鴈飛來翼相
憂農夫苦飢鴈獨飽此意画師應識察近者分明辨羽毛遠
者縹緲瞻秋毫或乘飄風入烟霄或翳落日沉隍濠起如武
侯布八陣集如萬舞回旌旄眠沙草鳴且鶉喋呷藻苻亂
蓬蒿禾空穗盡却歸去紫塞漠漠春雲高我家南山限蒼嶺
鴈飛不到川路永深林大谷蛇豕盛愁向他鄉撫虛景人言
鴻鴈比弟兄我有兄弟隔兩城題詩卷画謝客去無使感愴
傷中情

雨中寄用章上人

月盈復魄已過五不見白日長見雨美人娟娟隔巷陌會面
不得徒延佇若邪當門泉湧礎仲蔚蓬蒿塞環堵陰風向人
作秋氣芳草日夕成宿莽玄圭上天禹穴閉倉水使者今何
許玉京羣仙翳煙霧弱水西流隔玄圃女夷鼓歌不自覺朱
鳳翅濕那能舉自從干戈起淮甸天下無處無豺虎微歛頻
煩轉輸急更有何鄉爲樂土翳桑餓人誰復數思家遠客空
悽楚半生身世付浮雲獨立看雲百憂聚晚來天南橫絳虬
雨勢未已愁雷公井蛙谷鱗俱得意汎濫潢潦登穹隆方外
文章誰最好後有頌公前笑老裁詩忽漫寄中情萬事茫茫

聽蒼昊

玉澗和尚西湖圖

大江之南風景殊杭州西湖天下無浮光吐景十里外疊嶂
湧出青芙蓉百年王氣散荆棘惟有歌舞畱歡娛重樓峻閣
競鉛黛媚柳嬌花使人愛老僧不善兒女情故作猶豪見真
態想其泚筆欲畫時高視畫工如小兒千巖萬壑吾意匠夸
娥巨靈吾指麾却憶往年秋雨夕畫舫衝烟度空碧蒼茫不
辨雲與山但覺微風響蘆荻須臾冷月逢深霧時見松杉半
昏黑開尊命客彈焦桐扣舷大笑驚海童鮫人唱歌魚鼈應
水底影動雙高峰只今倏忽成老翁可憐此樂難再逢愁來

看画欲自適誰知感生愁轉劇

顧周道山水圖

憶昔晉時顧虎頭能画聲名塞穹昊千載而下繼者誰君之
耳孫字周道江南山連滄海島水遠山長愁絕倒興來走筆
如有神濃抹淡粧無不好前峰倚天自太古知是天台是天
姥烟開浪波搖蒲漱草滿江洲樹如羽山廻兩崖夾幽谷小
橋俯映菰蒲綠扁舟何處覓鱸魚滄浪水寒空濯足柳邊碧
石明素沙茅廬似是陶公家衡門晝掩雞犬寂誰人共采黃
金花我屋雙溪溪松栢裏清泉皎潔無泥滓鳳皇不來鷹隼逝
白日鷓鴣嘯桑梓華表柱頭丁令威風塵瀕洞何當歸感時
對景重回首不知人民今是非

題富好禮所畜村樂圖

我昔住在南山頭連山下帶清溪幽山巔出泉宜種稻繞屋
盡是良田疇家家種田耻商販有足懶踏縣與州西風八月
淋潦盡稻穗櫛比無蝗蝻黃雞長大白鴨重瓦甕琥珀香新
莠芋魁如拳栗殼赤獻罷地主還相酬東鄰西舍迭賓主老
幼合坐意綢繆山花野葉插巾帽竹筴漆椀兼羹醜酒酣女
笑雜語話跪拜交錯禮數稠或起頓足舞侏儒或坐拍手歌
獸簍傾盆倒榼混醢醬爛熳沾漬方未休兒童跳躍助誼謀
執楯逐走同俘囚出門不記舍前路顛倒扶掖迷去畱朝陽

照屋且熟睡官府亦簡少所求寧知宴安含飢毒耒耜一變
成戈矛高門大宅化灰燼蓬蒿瓦礫塞道周春燕營巢在林
木深山露宿隨猿猴三年避亂客異縣側身天地如浮漚親
朋阻隔童僕散疏食水飲不自謀有時惝恍夢閭里驚覺五
內攢百憂君家一畫圖稱絕妙鑒別曾遇柯丹丘想應臨榻出
秘府筆意精到世罕儔村歌社舞自真率何用廣樂張公侯
太平氣象忽在眼令我感愴涕淚流近者鄉人來報喜今歲
高下俱有秋豺狼食飽臥窟穴軍師已運招安籌人情自古
共懷土况乃霜雨淒松楸神龜且被豫且困予所弗念天我
尤積薪厝火非遠計誰能獻納陳嘉猷長江波浪接淮泗白
日慘澹騰蛟虬天下農夫總供給隴畝不得安鋤耰市中食
物貴百倍一豕之價過於牛魚鹽菜菓悉賣米官幣束閣若
贅瘤朝餐僅了愁夕膳誰復有酒澆其喉循環天運往必復
邪氣蹙至不遠瘳此生此景須再覩引領悵望心悠悠

題湘湖圖

君山洞庭隔江水彭蠡無風波浪起明窻曉晴圖畫開興入
湘湖三百里湘江兩岸山縱橫湘湖碧繞越王城越王城荒
陵谷在古樹落日長煙平游子天寒孤棹遠七十二谿飛雪
滿浩歌不見濯纓人沙鶴野猿相對晚湖東雲氣通蓬萊我
欲從之歸去來蛟鼉塞川陸有虎兩臂無翼令心哀

爲啓初門和尚題山水圖

天下名山隨處有，畫圖流傳亦良久。祇園道人展橫幅，觀者稱誇同一口。蒼梧九疑高，挿天卷而懷之，不盈手。巨靈驚呼，盤古怒地，軸塊北昆侖，剖太陽出海，開杳冥，蟠冢岷峨，大如斗華軒，無人清晝閑，恍然置我匡廬間。金輪迥出牛女上，遠近羅列千雲鬟。汀花野竹青錦斑，嵌巖斷石蛟鼉顏。陶盤谷轉絕徑路，但見湖水迴瓊環。白沙洲暖春風起，南船掛帆北船艤。吳波不盡芳草外，楚岫半入長烟裏。夜深小龍行雨歸，宮亭月落彭郎磯。旌陽步虛盧老和雜佩，散作虹蜺飛百年。塵世真夢寐，回首旌旗塞天地。舊游何處成渺茫，一曲狂歌

數行淚，青丘弱水迷方壺。武陵桃源今有無，瑤臺三島消息斷。安得羽翼歸清都。

題趙學士松圖

白塔

趙公拈筆作古松，平地躍出二青龍。蜿蜒不上霄漢去，爽颯長雷烟雨濃。前朝美人鬪草處，猶有當時數株樹。江亭六月涼如秋，應與此圖相對愁。

題李陵見蓼武圖

中原無書，羝不乳，狐裘蒙茸，奈何許。老身漢節，死生俱地角。天涯見明主，金鞍駿馬空。故人相看一笑增，悲辛悲來風沙吹上馬。河水東流日西下。

空一作吾

雪鶴篇贈詹同文

有鶴有鶴丁令威碧玉爲骨玄霜衣層城十二身所依千年
伐毛一度歸洗髓織女黃姑磯瑤臺雪花大十圍食之神爽
肉不肥乘風振羽芳菲非丹砂結頂輝有輝咳唾璀璨生珠
璣朝遊明星夕大駮騰光躡景超巍巍膝六駮乘虹蜺駢莖
宮仙娥項帝妃鎔雲鍊雨成瓊葦眩晃晝奪扶桑輝離眸閃
爍不可睇回叢攢縱翼縞旂白虎齧鯨良厥排鸞鷁鳥鴻鶉
鵠翬鷺鶚鸛鵠鷺與鷓局促縮胸潛喙崎惟有皓鶴從之飛
竦翻夜過東皇畿玲瓏琪樹曼金徽若然長鳴驚海圻海波
噴作煙霧羣馬銜罔象躡若機鯤鯨天矯相噓唏銀河腹堅

膠賑豨王母桃花凍不緋五色石裂女媧謫祝融上訴開九
扉帝命養之青鎖闈賜以沆瀣憐其飢朝朝暮暮朝太微翅
翎披拂天香緋北斗粲爛星依稀翠輶抱日露未晞圓航修
趾逸且頡蹠踰蹈舞霍以揮散仙引領空相希嗟哉清峻天
下稀勿歎遼東城郭非桂華宵窪甘露澄味美遠勝商山薇
擷英爲羞堪咀噉比之琅玕亦庶幾盤空硬語去脂韋歌以
贈君君莫譏

贈杜安道

憶昔天兵伐荆楚幼體蔽江齊萬櫓聲激烈似雷霆猛氣
焦然震貔虎拔柵皖城猶俯拾探穴九江無險阻明年大戰

康郡下日月塊丸相吞吐馮夷蹋浪羣水飛巨鼉掉首三山
舞雲隨太乙擁鋒旗鼉爲豐隆作靈鼓將軍金甲箭攢蝟戰
士鐵衣汗流雨火龍燒燄絳天衢燧象尾烟煎地府鯨鯢旣
翦攙搶落草木熙陽魚出谷當時從臣皆俊良近侍共推徐
與杜或操陳子之刀鑷或負伊公之鼎俎艱難出入矢石下
鞠躬盡力無摧阻夙興夜寐事一人小心不貳 帝臨女只
今四海同車軌葑菲罔遺遵往古瓊琚赤芾遙鴈行鞍馬祿
食光門戶天雞一聲金闕啓龍顏有喜常先覩顧我愚疎憂
患集病骨峻嶒蒸溽暑興來懷舊倚長歌星星兩鬢絲千縷
太師誠意伯劉文成公集卷之十四終

太師誠意伯劉文成公集卷之十五

芝田令新陽後學萬里續梓裔孫標男宗燧編

五言律詩

旱天多雨意五首呈石末公

旱天多雨意雲日氣恒陰草木焦枯盡蛟龍伏匿深移家愁
地蹙經國恨年侵已矣商巖叟無人解作霖

旱天多雨意炎夏已清秋虛牝空蒸鬱高圓迥獨浮下田應
蒲蚌深樹且鳴鳩向夕星河影稀疏恰近樓

旱天多雨意散漫起重陰漸變峰巒狀還摘錦繡文龍應愁
病暘烏亦念將焚碧落高無極人間叫不聞

旱天多雨意炎燎發洪爐事急徒號梗謀窮漫曝巫王征愆
節制民望失來蘓原隰看如赭哀今鹵掠無

旱天多雨意雲起旋隨風澤氣沉沙白山嵐過野紅乾坤愁
夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青山黃
葉遍白水紫烟生且夕霞標起依稀對赤城

旱天多雨意霞起衆山光日月躔陽道雷霆伏大荒躍淵無
黑蟻在牧有夷羊萬室俱如燬何人尚閔危

旱天多雨意一望百憂侵海沸羲和日山藏傳誨霖南河那

可決北斗不能斟歎息還搔首清商已滿林

旱天多雨意悽剛望鉤陳哀顛何時達愁眉盡日輦乾坤三
島浪歲月雨淮塵莫問和調事嗚呼賦畝人

旱天多雨意陰電繞空湫暴客馮高壘良農死築丘干戈猶
未息災沴復何尤軫望成衰疾那堪數倚樓

憂懷

傷離驚歲晏引望起愁端落日烟中小孤雲雪外寒浮生無
限恨垂老異鄉看掩淚觀梅蕊中心分外酸

感歎

聞說蕪州破倉皇問故人死生俱可悼吾道一何屯北去應

無路南藩自此貧
淒涼轉蓬客
淚盡浙江濱

題鑑湖送別圖

曲岸扁舟艤澄湖
祖帳開雲生
秦帝碣雨暎
越王臺荷氣清
瑤席波光灑
玉盃情深不忍別
欲去更徘徊

次韻和王文明雨中雜興四首

積雨累十日
平湖添半篙
風連箕畢動
雲傍斗牛高
水鶴巢
林木池魚上
野蒿農人愁
餓孳採擷到溪毛

白日迷陰陸
濃雲沒大荒
雨深筠簟潤
風度葛衣涼
虎豹歸
林濕魚龍赴
壑長波濤渺
滄落悽惻解鳴璫

濕雲看欲薄
陰氣未全收
日月昏昏見
龍鬣頰頰浮
虛簷墜

盼蠻壞壁湧蜉蝣
幽獨無人問
含情謾上樓

青冥不可見
朱夏已無多
雲木光浮沒
川原氣盪磨
荒蕪一
將略浩汗五湖波
去去滄浪水
君聽鼓柁歌

題太公釣渭圖

璇室羣酣夜
璜溪獨釣時
浮雲看富貴
流水澹鬚眉
偶應非
熊兆尊爲帝者師
軒裳如固有
千載起人思

稽句額

白日隱巖壑
千崖氣勢豪
溪流發女闈
山入少微高
危石天
歌側長風谷
怒號干戈方
自此行役敢辭勞

淳安舟中遇雨遣悶二首

一夜青山雨平明黃濁喧亂流翻地軸高響落雲根鍛羽投
林鳥啼飢抱樹猿羈懷正愁絕感物重銷魂
溪雨細如霧北風長夏寒汗池不赴壑井谷自成湍蘭茝馨
香盡魚龍世界寬斜陽在林樹時復捲蓬看

丙戌歲將赴京師途中送徐明德歸鎮江

疲馬懷空櫪征衣怯路塵那堪遠游子復送欲歸人月滿西
津夜花明北固春論文應有日話別莫悲辛

過南望時守闢不得行

客路三千里舟行二月餘壯顏隨日減衰髮受風疎蔓草須
何國浮雲少吳墟愁心如汶水蕩漾遶青徐

發景州

澹澹夕風作蕭蕭蘆葉鳴林間衆鳥息河上一舟行海近雲
常濕天虛月更清神京看漸近且緩望鄉情

泛海詠霧

海上苦多霧北風吹更長纔交積水氣已翳太陽光淺亂洲
渚色深迷鴻鴈行神姦馮出入君子慎周防

殺氣

殺氣乾坤黑陰氛日月黃已成心曲亂不復髮毛蒼夜哭城
笳裏朝烟野戍傍扶傾無郭李何地尚畊桑

遣興二首

誠意齋文集
白日下西岑空庭生夕陰郊原過雨色鍾梵隔墻音有感憂
思積無能老病深露從河漢落不覺滿衣襟
月是今宵滿花從昨夜開看花嗟寂寞對月且徘徊白髮添
無數青春去不回莫思人隔世聊樂酒盈盃

四月十二日發楊州

幾見明月滿猶嗟行路難時平耻無用身賤敢偷安天地山
河開風沙道路寒旅人元有淚不必雍門彈

濟州太白樓

小邈迂行客危樓舍酒星河分澗水碧天倚嶧山青昭代空
文藻斯入竟斷萍登臨無賀老誰與共忘形

送僧家奴叅政赴河東宣慰使二首

雲中形勝地關塞接天長白草連沙漠黃河入晉陽老臣持
節鉞大闢壯金湯昭代思賢佐須公在廟堂

大闢諸藩上元戎朔漠間天低馬邑塞河入鴈門關落日旌
旗靜高風堡障閑旬宣推碩望喜色動龍顏

送人赴德清稅

鏡湖木葉落震澤水波生鳧雁衝人起笙歌送客行鹽津魚
罾集桑屋繭絲明王稅隨時足吟哦待太平

題釣雪圖

雪暗洲渚白江清蒲柳寒悠悠揚雙短棹汗漫一魚竿忽憶滄

浪曲因悲行路難
蛟鼉正驕恣還爲爾長歎

將曉

愁夢不更續
寒天將欲明
雪風吹海樹
霜月凜江城
衰病并
心在艱虞
素髮盈股
勤東注水
渺渺若爲情

不寐

不寐月當戶
起行風滿天
山河青靄裏
刁斗白雲邊
避世慙
商綺匡時愧
魯連徘徊懷
往事惻愴感
衰年

秋感

老病偏多感
宵長晝亦長
衣冠方謝暑
枕席已驚涼
往事鐫
心在新知過
眼忘籬邊
舊栽菊歲晚
爲誰黃

秋興

天淨山月出水寒
沙鳥鳴孤燈
秋後思短笛
夜深情江海空
衰髮乾坤未弭兵
清都隔河漢
訶禁有開明

晚思

返照吳山外
歸雲越水頭
寧捐白羽扇
却着黑貂裘
草暖鳧
鷺渚波香
杜若洲艱難
愧生事汗漫
想扁舟

望孤山作

曉日千山赤
寒烟一鳥青
羈心霜下草
生態水中萍
黃屋迷
襄野蒼梧隔
洞庭空將垂老
淚灑恨到滄溟

青絲馬

蹀躞青絲馬艱難赤伏符窮陰歲欲暮落日鬼相呼見鴈愁
心裂看蕉淚眼枯殷勤夜深月還照旗魂孤

十二月一日

耿耿夜不寐源源憂思來歲餘三十日腸定九千回江響風
初發天昏月未開白頭真合得非是楚猿哀

古戍

古戍連山火新城殷地笳九州猶虎豹四海未桑麻天迴雲
垂草江空雪覆沙野梅燒不盡時見兩三花

客路

客路秋風裏扁舟夕照晴滑鴻魚復陣江樹井陘旗衰朽嗟

誰與憑蒙荷

帝慈山中牧羊子歲莫爾相期

逢熊文彥二首

相離已隔世相會豈忘情識面非觀貌知心只記名夕陽荒
野闌秋水大江平往事無勞問空令萬感生

憶昔相逢處湖山錦綉春筦絃喧夾巷花柳隘通津離別人
非故推移物自新愁來重回首涕淚下霑巾

五言長律

錢思懷古得吳字

澤國繁華地前朝舊此都青山瀾百粵白水入三吳長嶽銷

玉函碑靈肇帝圖兩宮千里恨九子一身孤設險馮天塹偷
安負海瀛雲霞行殿起荆棘寢園蕪籬島哀和議方刀抑武
夫但聞正宇奏不見方處呼鬼蜮昭華哀忠良賜屬餽何勞
尚社稷且自作歡娛稅箱來吳會魚鼈出其區至尊巍北闕
多士樂西湖鷓首馳文舫龍鱗舞繡裾波搖襞積涼月浸
甍甍紫桂秋風老紅蓮曉露滿巨螿擊擁劍香飯漉雕胡蝟
角乾坤大鼇頭氣勢殊秦庭迷指鹿周室嘆瞻烏玉馬違京
輦銅駝躑路衢合谷入地廣養育羽毛俱橘柚馳包頁塗泥
賦土腴斷犀堦越棘照乘走隋珠弔古江山在懷今歲月過
鯨鯢穴湧澗歌詠已唐虞鳴革愁何極羊裘釣不迂征鴻暮

通西有(圖)之說